

歷代詩選  
獨瞰清池

送李君唐英赴春官

感別情徧切離筵酒易酣孤舟搖霽月一騎入  
晴嵐戀關心懸北思親夢繞南明朝倚樓處雲  
樹渺難堪

楓嶺

楓嶺度征軒臨風思惘然蒼松悲唳鶴深谷慘  
啼鶻泉雜山頭雨人穿樹杪煙庭闌何處是長  
望白雲邊

秋鴻

萬里無矰繳江湖得自由遠依南地暖因覺北  
天秋疎雨投荒圃殘陽度遠洲叫霜催落葉送  
冷入征裘影亂風橫塞聲寒月滿樓蘆深依晚  
渚稻熟下平疇孤館初驚夢新霜欲上頭帛書  
無復繫夷虜戴宸旒

賦得洪都艤棹送同年張叔亨使東廣

手捧綸音出帝州豫章城外暫維舟文星高映  
青山郭使節光臨綠水洲徐孺宅前吟弔古滕

王閣上醉尋幽計程漸近東甌路此去分明是  
晝遊

送太學生周環依親還吉水得金字

十年芹泮擁青襟璧水新沾雨露深明月暫同  
官舍酒白雲終動故園心帆開潞渚潮平岍路  
入廬山雪滿林天上還期繩祖武勲名奕葉重  
南金

送同年俞舜卿任南京刑科給事中

曉辭龍袞向南畿帶得天恩入瑣闈戀闕應勞

清夢到宦時莫遣諫書稀雲邊山色青迎騎雨  
後花香暖撲衣便道懸知歸故里松楸桑梓盡  
光輝

謁文丞相祠

故宮芳草泣銅人滄海樓船是紫宸赤手欲擎  
西墜日丹心擔掃北來塵山河萬里雙垂淚廟  
宇千年獨降神翹首燕山知幾仞至今高節共  
嶙峋

送撫寧侯朱永征北虜

歷代詩選 明黃克明  
將軍拜命向邊城誓斬天驕翼太平風起柳營  
朝草檄月明花帳夜談兵貔貅宣力皇威振狐  
兔潛蹤塞漠清勲業行看光汗簡爭教衛霍獨  
馳名

遣懷

誰點霜華入鬢斑雨聲連夜苦潺潺逢迎無術  
貧誰咎婚嫁催人老未閒仗節伏波遭死謫知  
幾疏傳却生還聖恩儻賜餘生骨便買丘園入  
故山

送林尚和還莆

客窗燈火久談經幾度階前見落莫夢裏老親  
雙鬢白望中鄉國亂山青一樽菊醕芙蓉岍數  
幅蒲帆杜若汀大阮青霄應惜別龍門竚待駕  
風霆

謫官之湘潭夜泊蕭家林和莊孔暘韻

鴉背殘陽度遠洲遠村籬落暮煙稠浮生飄忽  
多行路此地經過幾繫舟戀闕心隨雲北去思  
親夢逐水東流臨風却羨沙頭鷺欲結新盟謝

歷代詩選  
明詩  
三  
遠遊

送辦事官吳藻省親歸莆

書劔三年客帝畿承恩今喜謁庭闈不須重製  
斑斕服自有新裁錦繡衣一棹纔乘潮水去寸  
心先逐海雲飛難兄林下幽棲穩應笑紅塵客  
未歸

送顧安道御史僉憲河南

新雁催寒柳葉稀多君匹馬出南畿已遷臬府  
新官秩仍着烏臺舊繡衣唯谷有天回淑氣豺

狼無地避霜威法星暫照中州去終化台星入  
紫微

秋日寫懷

一官南北總窮途浮世逢人笑腐儒囊裏無錢  
還藥債門前有客索詩逋滿天風露鳴蟬亂萬  
里煙雲旅雁孤一片歸心畱不住非因故國有  
萼鱸

賀太常少卿夏公陞大理卿代孫寺丞賦

久向雲霄仰盛名同官今喜挹餘馨伯夷暫典

虞廷禮定國還詳漢室刑門絕苞苴春草綠獄  
求欽恤夜燈青似聞太史占玄象執法星高入  
紫冥

題卓季新龍山別業卷

龍山風景足徜徉况是林巒接故鄉萬頃松雲  
當戶暝一天花雨入簾香荷鋤煙隴春陽動散  
帙晴窗月色涼浮世氛埃飛不到分明一段輞  
川莊

題翠渠亭次韻

寒渠遶舍淨無埃水上孤亭傍竹開數載各因  
微祿去今朝同載小舟來閒聽啼鳥裁詩句笑  
對青山酌酒杯情景留人歸未得隔林隨意晚  
鴉回

題延綠亭

無事頗將兔穎拈披風抹月坐虛簷春回蘭蕙  
香浮几雨過庭除翠入簾門外澗涵諸水滙天  
南依約數峰尖箇中何物尤清絕滿架琴書一  
鶴兼

歷代詩選 明黃克明 九日烏山登高次韻

白露凝霜催短景黃花泛酒續良遊山橫翠黛  
雲開處雁帶斜陽天盡頭百歲光陰馳玉羽幾  
人名姓覆金甌題糕且盡生前樂灑淚寧勞身  
後憂

又

浮雲漠漠擁遙岑不解爲霖空自陰人事忽看  
今日改菊花還着去年簪廟堂誰是憂民者吠  
畝空懷愛國心萬斛閒愁何處遣盈樽美酒不

辭斟

送妻弟羅元吉之任汝州司訓

一鐸新持教汝州西風話別岳溪頭驪駒迭奏  
催行酒霜柳難將縮去舟飛夢不離閩嶺月橫  
經有待邳林秋清時莫歎長才屈大手還修五  
鳳樓

次張坦齋作廣化山水圖

誰寫雲山著此僧王維去後讓君能松庭鳥下  
聞齋磬蘿逕煙消見佛燈春雨小溪流瀼瀼夕

陽孤塔影稜稜看圖便欲離塵俗共結茅菴紫  
翠層

春水和陳吉甫韻

積雨平湖水接空混茫那復辨西東長橋柳色  
澄深翠斷岼桃花暎淺紅人喜蘭亭流玉笋我  
懷沂水浴清風幾回江上看湍急直欲窮源路  
未通

感事偶書

拙心一片今猶昔浮世多岐自町畦巷伯謾勞

傷貝錦伏波誰與辨文犀從來山水知音少何  
怪雌雄過眼迷賴有嬋娟天際月夜深還映小  
窗西

題三山施克明江湖覽勝卷

乾坤我欲徧經過世事參商柰老何夢遶洞庭  
秋水濶心馳禹穴暮雲多晉陽謾想之推跡蜀  
道空傳李白歌訪古知君多歷覽遺風還足重  
蹉跎

瑞州分司次壁間留題韻

歷代詩選 明黃東明  
星輅又是瑞陽城終歲奔馳笑此生山崦孤村  
藏竹暝野塘流水入田平桑榆曉日千門影絃  
誦春風幾處聲俯仰乾坤驚白髮百年心事竟  
何成

袁州道中

行邊文牘暫停披開閱民風一賦詩白石煉灰  
施穰稔青山鋤火種蹲鴟煙村桑柘通幽徑野  
店杉篁護短籬聞說昌黎遺愛在千年尸祝有  
嚴祠

自石城往寧都道中作

窮冬風露曉淒淒倦客何當息馬蹄山合忽疑  
前路斷峰高翻覺宿雲低丹楓翠竹攢幽澗綠  
蔓黃茅沒古蹊謾說閩疆近相接故園千里望  
中迷

題洪憲副文壇風月卷

紅燭青樽豈偶逢十年同聽禁垣鐘豪談發處  
風生席白戰酣時月映松應務羨君才獨裕濟  
時嘲我術偏庸人生適意應爲福底用凌煙閣



歷代詩選  
明黃克明  
上封

重過圓通寺借宿

欲濯塵纓尚未能  
在廬又見碧層層  
半生牢落空憐我  
一味清閒却讓僧  
周覽未酬霞外想  
獨吟聊伴佛前燈  
重遊更與山靈約  
只恐萍蹤不可憑

重九同年戴大節諸君登臺賦詩病中示

次韻

身如病鶴未能飛  
聞道羣公集翠微  
料得清樽

能縱飲肯教黃菊笑  
空歸山添新翠初  
經雨鴉帶殘紅待落暉  
却憶去年多樂事  
故山傾倒卧苔衣

題張叔著桂林書院中曲水流觴次鄭東

園韻

桂林風物擅幽奇  
此日追隨一憩之  
水有淵源流易滿  
杯行詰曲到應遲  
鶯調簧管來深樹  
鱸切銀絲出別池  
浮世茲遊須盡興  
剎那間覺歲華移

歷代詩選 明黃克明 題鎮海朱大尹漁樵耕牧圖次翠渠韻

乾坤何處是通津  
謝却浮榮避俗塵  
漁笛數聲芳渚暮  
樵歌一曲碧山春  
高秋禾黍徧層隴  
落日牛羊歸四隣  
架有琴書樽有酒  
何須蓬島覓仙人

題林君叔孟秀亭

小亭新結傍幽溪  
窗戶平臨翠篠齊  
宿雨收殘山靄濕  
浮雲飛盡海天低  
樹連睥睨參差見  
花隱房櫳只尺迷  
安得毫端生五色  
盡收佳景入

新題

南溪別業次韻

刺桐花下有華堂  
別買溪南數畝庄  
旋剪荆榛開町疇  
更添亭館帶林塘  
春嵐壓地苔花濕  
暑雨蒸林荔子香  
自笑一生纏冕累  
無緣來共白雲鄉

寄華嚴寺默堂上人詩

乘閒特訪默堂師  
僻處遊方負所期  
林鳥潛窺山殿供  
野猿偷動石枰碁  
碓收殘藥空流水  
犬

訝遊人賦短籬欲闌三生緣內事相逢未下是  
何時

又

萬木陰中梵宇開分明人世有蓬萊漾開池藻  
羣魚戲點破松煙一鶴回澗水浮花雲裏出山  
風如雨竹間來高僧不遇徘徊久踏徧蒼蒼滿  
院苔

晚過涿州

青山冉冉夕陽浮綠樹微茫見涿州白雁聲寒

燕塞晚丹楓葉落燕門秋漁舟蕩漾歸江浦畫  
角淒涼起戍樓黃帝蚩尤征戰地眼前贏得水  
東流

日暮西山卽事

晚風徐步水雲村景物無端役客魂霧擁碧岑  
螺髻濕風生滄海雪花翻涿州漁艇初歸浦禧  
水人家半掩門獨倚長松吟未就梨花疎雨送  
黃昏

題坦齋所作小畫次周翠渠韻

孤艇斜陽外羣峰紫翠橫水光浮日色蕩漾一川明

客中四時詩

花影隨日移鳥聲逐風度索居元寂寥祗恐韶光暮

暑雨潤吟牋薰風清綠綺新蟬欺客愁槐庭吟不止

荷落一池風菊開三徑雨無窮離別懷况聽寒蟲語

飛雪透疎櫺隆寒襲重被鄉心觸景生惆悵難成寐

梨嶺道中

古樹吼寒風危峰映夕照對景獨傷懷厭聽哀猿嘯

翠壁瀉寒泉蒼林栖薄霧日暮白雲深忘却聞關路

花發不知名水落石潭響山川爭秀麗吟餘足清賞

溪轉板橋斜峰回鳥道曲山泉最可人清音漱  
寒玉

斷霞橫蒼山淡煙迷遠樹草際幽泉生冰凝如  
玉筍

花開不爲春路濕非關雨空谷一聲傳山川學  
人語

題四景山水爲林君叔孟賦

門掩青山盡日閒紛紛朝市懶相干交游滿眼  
知音少笑拂瑤琴獨自彈

水邊亭榭絕炎燄坐對遺經日易消載酒有人  
來問字隔溪撐過木蘭橈

遊武夷九曲僭用文公韻

一曲呼來隔岸船棹歌齊唱過前川山靈似識  
遊人意散盡峰巒遠近煙

遊西峰寺

林外應疑無路入道傍惟見有僧迎行行漸覺  
招提近隔崦時聞吠犬聲

停驂相與坐論文又得浮生暫息紛怪底襟懷

清似許僧房面面對松雲

六月十六日曉起

是月十九日立秋

浮生無計挽流光歲月催人似箭忙屈指又驚秋欲到曉來微雨試新涼

感春

人喜春回我獨悲化工雖巧亦還癡陽光徧及開花草空谷幽蘭想未知

題雨竹并菊

雨過琅玕濕未乾霜餘黃菊尚堪餐他年何處

偏思爾紫陌雞聲旅夢殘

題孟浩然尋梅圖

瑤琴世路少知音頗有梅花獨可尋折取一枝良不俗小齋聊爾伴清吟

送望江教諭伯清先生乃兄還莆

兩京飄泊幾星霜却喜逢君話故鄉潮水不知離別苦又從江上送歸航

下臯雜詠

山徑荒涼月上時門無剩啄鳥歸枝道人引水

澆畦罷坐燎松明改舊詩

何處偏宜養性靈無端野趣在林扃開簾猶恨  
前隣樹遮却遙山數尺青

春雨初過水滿川神祠簫鼓正祈年我來也欲  
隨風俗急典春衣入社錢

一川桑柘隱煙霞黃菊蒼松自一家更喜舍南  
添隙地開渠占斷白鷗沙

殘書讀罷啓房櫳散步東風遣病慵門巷條然  
籬落矮隔隣遙見夕陽春

蒼松黃菊纔三畝流水柴門自一家却悔平生  
都失計坐聽官鼓踏霜華

世情得喪見交情徑路蕭蕭草自青惟有梁間  
雙燕子年年依舊訪柴扃

墨竹爲林信傳賦

籠葱翠玉擅風標白石清泉伴寂寥安得伶倫  
裁鳳管五雲深處和簫韶

金臺早行

數村行過始聞雞星斗依稀月滿溪遙想故園

高卧穩梅花影落小窗西

題扇面子猷訪戴圖

入夜懷人思不禁衝寒一棹度山陰興來歸去  
江雲暝門掩千峰積雪深

春日卧病感懷

一卧經春祗自嗟無由散步樂韶華東風似亦  
欺人病吹落餅中數朶花

石倉十二代詩選

明次集卷四十六 終



石倉十二代詩選

明次集卷四十七

聽雨亭稿

大明

莆田吳希賢著  
後學曹學佺閱

翰林同年繪像圖

丁丑冬臘月二日侍讀倪舜咨以同年  
官翰林者十二人咸萃京師無復雲樹  
睽違之歎乃合燕玉河東之第且命工  
繪像各賦詩一章志之希賢適自南至  
故有是作



歷代詩選 月身詩覽  
歲聿云暮玉河之暝霰雪澄霽風日清妍君子  
有酒來我同年

惟歲甲申聖人臨御風虎雲龍邂逅相遇登我  
諸友玉堂之署

玉堂巍巍亦曰瀛洲十載登茲以遨以遊願言  
相勗無忝前修

房柱既遠孰爲我師協力同心惟王之毗云胡  
十載而多仇離

如彼搏沙易渙以散今者具在式燕以衍獲菽

采蕭逢此歲晏

既擗爾管亦撫爾琴嗟我諸友東西北南言笑  
云云實諧我心

元宵會謝鳴治宅得不字韻

京城重元宵鼇火及明燄士女嘻以遊清歌遶  
天闕胡彼風雪雱而有此蕭瑟陰晴固難定茲  
會胡可必行樂須少年人生易華髮從此復何  
爲且盡杯中物

上巳倪舜咨會甕山得木字韻

世路苦氛埃，緬懷在山谷。曉出西郭門，珂馬紛相逐。細草迷舊津，屢問煩僮僕。小徑入湖陰，穿雲過林麓。僧房霧露清，石磴莓苔綠。主人携酒至，盤餐雜穀菽。杯行旣已頻，詩賦未能續。逸思轉昏倦，欲借藤牀宿。歸驂不可留，夕陽在林木。

馮珮之之江西督學和宮諭謝木齋韻

霜臺值春晚，芳草都門多。故人夙嚴駕，欲別還相過。感時愧余拙，黃鳥丘之阿。正學久綦蕪，異說分蟬蛙。西江遠可涉，帆影天一涯。吾道皦如

日，此去將如何。贈君錦繡段，聽君白玉珂。鋤茅憶山徑，濯錦夸天河。願言更努力，洙泗多流波。

水口遇宗弟廷隆

兄向江南還，弟上金臺去。水口一相逢，離愁渺煙樹。今茲一邂逅，君留不住。欲爲回車輪，暫慰我朝暮。天意復從人，瀟瀟來夜雨。

賞菊

宦居感流序，嗟此菊有芳。皎皎玉露白，采采金花黃。冠裳集羣仙，列宴瓊瑤堂。黃流薦宮醴，銀

歷代詩選 卷之四  
絲膾河魴華箋灑玄露佳句紛琳琅粟里自閒  
適竹林徒疎狂所以達士飲顯允德足將流連  
不可極夕陽明遠岡酒酣壺矢罷題詩對寒香

廣寒避暑應制

火雲閣日燒層空炎蒸六月處處同翠華詰旦  
出深殿遠過霓裳仙子宮曰茲故是清虛府霧  
閣雲窗隔塵土珠簾影動涼吹輕琪樹陰陰正  
亭午玻瓈碗凍仙果香行厨又薦崑崙漿太平  
不唱羽衣曲南風一闋諧宮商紅爐萬國不可

聞何時炎海回秋浸鋤禾田父苦塗泥暘道行  
人思息蔭臣心感之良惻然願均此施蘇顛連  
輿圖億載比喬嶽萬姓長歌堯舜年

題竹贈表兄徐齊統庾使南歸

銀牀風起雪夢酣鷓鴣日暮啼江南江南秋意  
滿林塢天仙握佩雲璆璆綬溪孫子壺南住平  
生賸有瀟湘趣翠袖年來別恨多且拾琴書賦  
歸去故園到日秋色闌相看喜有青琅玕珊瑚  
石畔坐涼月自把瑤笙招紫鸞泠泠高興不可

極人在瀛洲正相憶清風三徑莫教荒會卜他  
年來借宅

水石菖蒲爲林孟和作

滄江之波不盈掬小石稜層削寒玉曉露無聲  
墮古苔九節靈苗爲誰綠蘭橈去後汀渚空濛  
濛疎雨吹煙叢回琴點瑟逸何許風味冷然誰  
與同舉世紛紛競穠郁此草弃置無人錄粉署  
仙郎最愛之寫向茅齋伴幽獨西風昨夜涼思  
多門前俗客稀經過銀箋翠管發佳興喚起疊

山同作歌

壺山四景圖

玉龍戰沒馮夷府敗甲紛飛世難數平湖雨岬  
松竹陰等閒可作珎琪園丞相祠前孤月明熙  
寧橋下寒潮聲此時城東老逋客小棹夷猶月  
上行一篷春信梅花發詩興凌凌清徹骨

郡城南面山水深依稀八面芙蓉岑山中花氣  
歛晴雨春禽啼罷春雲陰雲兮無心逐風起片  
影孤飛過渠水逶迤遙接城東樓萬里江湖望

遊子橋梓坊前何日還白髮婆娑歲云晚

翠壺之山凌碧虛層嵯峭壁仙所居尋常秀色  
儘奇絕况有晴雲時卷舒我昔攀緣出雲表決  
眦遐天衆山小結廬擬向山中棲日日看雲聽  
啼鳥一朝雲起隨六龍我亦乘之登九重爲霖  
未慰蒼生望慙愧清朝恩數隆只今還尋故山  
去淨掃雲軒與雲住

長河浩浩寒無潮夜風吹雪聲蕭蕭平明日出  
耀晴彩萬樹瑤花猶未消湖南畫管松篁裏錦

帳瓊瑜人未起湖北朱樓翠幙深獸炭紅爐酌  
香醞竹籬茅屋是誰家尾鼎敲冰自煮茶布衣  
當年冷似鐵寒驢隨處吟梅花笑渠富貴總塵  
俗一味清寒貧亦足

金臺別夢

仙舟今去吳江東吳江之水何溶溶美人遠隔  
芙蓉浦伐木歌殘春思慵秋臺夜靜月如水紙  
帳梅花情萬里夢魂勾作胡蝶飛飛過瀛洲疾  
如駛瀛洲深處風景饒美人相見還相招開樽

其話十年事客窗風雨聲瀟瀟好懷未罄忽驚  
覺景陽鐘動隣雞叫攬衣推枕起徬徨滿地花  
陰殘月照

竹石雙清次吳鼎儀先生韻爲太守拙戒

兄題

吾家老兄好種竹昔年住在澄塘曲興來赤脚  
踏海石明月清風過楚澤湘君憐爾抱雅材天  
吳紫鳳繽紛來酒酣鼓瑟遺蒼佩鷓鴣飛下西  
日顏回看俗士甘軟美此竹真堪與兄比夜窗  
風雨不知年客裏相逢故如此

梅花歌爲禮曹吳以時作

暗風吹雪拂鈴索月色蒼茫照官閣閣前老梅  
花無數開時偏近何郎幕瑤英滿枝那可辨鐵  
幹孤撐瘦如削疎櫺度影見參差驀地浮香驚  
噴薄共言天工與真素坐使羣豪費吟噓吁嗟  
我生在閩海草堂住近城東郭江鄉十月少霜  
霰凍雨敲窗喧膈膊是時陽和漏消息千樹垂  
垂齊破萼仙妃香佩入娟妙淵客明珠成錯落

歷代詩選 明吳文登  
凌晨見之饒幽興便促巾車走巖壑溪南春色  
眩醉眼驢背詩聯滿行橐邇來濶別十餘載舊  
時蹤跡今何若夢魂勞勞過淮浦歸思迢迢阻  
盧霍亦知人事半衰謝只有花開宛如昨欲傷  
寒枝問春信媿無健翼如鵬鶚長安驕兒愛桃  
李此輩俗眼難救藥主客中郎亦好奇寫入新  
圖慰飄泊感君慷慨發孤咏造化無端歸橐籥  
還擬相從探春去市頭豫買雙芒屨庄時有願  
及早償歲晚花前同引鶴

張克振歸順德

張君自是南海英風雲早歲搏鵬程杏園春事  
過十載看花浪語儒生榮風雲滿面春衫碧客  
裏携書笑相覓玉堂尊酒意未闌親舍孤雲愁  
轉劇西風吹衣歸興便與君岐路齊揚鞭吳山  
越水路迢遞驚濤駭浪浮虛船殘臘催人怒如  
渴到此躊躇復言別行程杳杳隨江鴻鄉夢依  
依共明月高堂壽酒樂事多堂前雙桂春婆娑  
天倫自分足怡悅功名休歎成蹉跎故山薇蕨



君莫採萬里青霄壯心在他年花發曲江春聽  
雨亭前重相待

族叔某之揚州司庾

竹林明月低僕夫戒行色馬上朝回未解衣携  
壺走送城東陌紅塵十載飄客裾一官湖海誇  
新除公門無事足行樂便道逢人多寄書玉堂  
夜寒別思苦獨對孤燈聽殘雨夢裏不識雲海  
深夜夜相將過淮浦

烏山霽雪

銀屏酒醴凍不消千山霽雪堆瑤瑤曉來簷鵲  
報春信梅花開到城東橋城東詞客玉堂老老  
眼摩挲詩最好小窗呵筆賦新題千古寒光照  
吟稿

送陳舜舉

銀燭高臺夜無端別思新朝廷初試士鄉國未  
歸人寥落江南意優游濮上春冥鴻天咫尺京  
國是通津

表伯王靜甫南還

歷代詩選 明吳汝賢 九  
中歲悲行役高堂有老親亂山迷遠望歸路出  
通津樹暗江城雨花明驛舍春故園萱草色應  
待遠遊人

贈人

離樽情不極歸路值秋深江晚楓如錦籬寒菊  
未金漸看千里隔愁說二毛侵忠孝吾人事相  
期罄此心

姨夫鄭司訓山水

高士藏脩處而無車馬喧殘霞明島嶼芳草滿

郊原黃葉雲邊徑青帶郭外村此中有佳趣難  
與俗人論

又

千峰森玉戟萬樹綴瓊枝天上同雲後山中霽  
雪時梅花東閣夢驢背灞橋詩獨有寒瓊客談  
經坐絳帷

齋居八詠分得剪燭題

燒燭茅廬下長吟思不迷金盤落灰燼清影照  
羈栖風度搖難定更殘刻漸低西窗千古意何

夕重分題

挽林希哲

此日湖山路霜風玉樹枝頓成千古別不盡百  
年悲丹桂秋香早青燈夜影遲嚴翁雙涕淚便  
是憶君時

送張養正都憲

先生元將種東觀早蜚英統制新銜命羗胡已  
識名豈爲投筆歎暫作請纓行沙草關南戍旌  
旗塞下營背人時艸檄入幕夜談兵文武真兼

濟忠勤定有成戰袍團繡馬介馬祭朱纓意氣  
吞羣羯勲庸播兩京百年今故典萬里此長城  
宵旰憂心泰邊陲指日清關張非俊傑韓范本  
儒生佩得黃金印歸來謝聖明

陳師召之南京太常

歌罷驪駒更問程老逢離別倍傷情論交况是  
髫年故結社須爲晚歲盟蓬島天連鍾阜近容  
臺地命玉堂清迂疎願得從君後欲挽仙舟且  
莫行

屠元勳之南京寺丞得何字韻

文學推君第一科  
紫金山色待經過  
相看盡道故人少  
欲別應愁芳草多  
列棘堂深新雨露  
判花筆在足陽和  
不知去住懷人地  
秋水芙蓉隔幾何

陳伯敷分教黃崗

黃岡只在楚江頭  
書劍憐君賦遠遊  
歲晏乾坤雙短髮  
日斜湘沔一孤舟  
春風講道臨芹水  
夜月懷人上竹樓  
北閣先生定相憶  
應題尺楮慰

窮愁

族祖靜軒之平陽巡簡

竹林斜月話匆匆  
不盡離愁思轉蓬  
書劍風塵今日別  
江湖樽酒幾時同  
寒城刁斗秋無警  
平野禾麻歲自豐  
去住相看情萬里  
音書莫惜附鱗鴻

羅明仲歸省

看花同醉曲江春  
眼底光陰幾度新  
金匱寶文曾載筆  
白雲親舍奈勞人  
歸裝渺渺都門道  
鄉

思迢迢楚水濱  
謾艸堂前謾回首  
紫霄高處是  
楓宸

丘安重下第

未得看花入禁林  
橋門深處曳青衿  
九重已放  
依親詔半幅  
聊題惜別吟  
家在壺山煙樹底  
路歸寧海水雲濤多  
情惟有溪頭月  
長照劉蕢愛  
國心

送上人送蒲

十載關河雲水蹤  
忽驚春雨偃岩松  
傳來西

千年法歸聽南峰  
五夜鐘錫響吳山  
驚虎豹杯  
浮闕海護魚龍  
題詩我憶曾遊處  
落日曇花意  
萬重

陳子學還蒲

哺抱難忘從母恩  
東風愁思滿棠村  
清樽邂逅  
渾如夢舊事  
淒涼豈忍言  
天闕衣冠饒  
雨露山城鐘漏自朝昏  
徵求可遣庭常靜  
况是金橋禮  
義門

李祥進士父南塘先生還東廣

已將忠孝語兒曹歸去揚帆駕海濤東郭柳條  
春後短南塘山色夢中高夜牀雷雨看龍劔天  
路風雲憶鳳毛酒債詩懷暫相引恩封指日賁  
林臯

送李賓之墜馬

推敲直欲擅詞場信馬那知墜馬傷  
尾碎定爲資政戲唇焦羞詫校書狂  
走緘吏去惟求藥問病人來暫下堂  
錯怪相思不相見芙蓉秋水滿芳塘

分題得卞將軍廟送李應禎中書

清溪兵合戰塵昏此日臺城厭楚氛  
一代風波成逆節萬年忠蓋說將軍  
精魂夜雨歸何處古廟春苔掩夕  
暉明到石頭拜遺像澤蘭汀芷有  
餘芬

送某歸省

九曲溪頭駐曉驂幔亭峰與碧雲參  
仙人宴罷風吹袂客棹歌時月滿潭  
絲屋虹橋成寂莫澗花岩艸自盪  
璠此行爲介庭闈壽異棗如瓜可

歷代詩選  
卷之四  
細探

李賓之歸省

早識茶陵是故鄉  
扁舟三月過瀟湘  
定王臺下雪濤壯  
賈誼宅邊煙草長  
南澗蘋繁勞夢想  
東風橋梓有輝光  
逢人盡說玉堂客  
年少無如此最良

朱清之清江觜巡簡

清江巡簡大夫孫  
此日承恩出帝闈  
愧我中年厭離別  
爲君沽酒洗愁魂  
城頭畫角天方曙  
沙

上邏兵月正昏  
盡道爲官莫尸素  
班資高下不須論

劉正郎山水圖

尚書公署有餘閒  
時復披圖認故山  
交劍水清龍已去  
衍仙堂在鶴猶還  
空林行迹荒苔畔  
極浦帆檣落照間  
欲采蘋花涉江渚  
西風雙鬢未垂斑

題梅澗賀劉望脩父受封

藤橋橋外清溪畔  
應是孤山處士家  
舍北梅花

渾綽約歲寒風雨亂交加壺中香露春長在鏡  
裏流光髮未華更欲驂鸞上天去仙郎已駕五  
雲車

蘭

空谷有幽蘭久矣無人識君子來不來日斜思  
如織

寄余汝盛

見月念鄉故愁緒縈心曲目極闕海南天低煙  
樹綠

山水小景爲張同禹題

江山渺何許此別難留佳漢水遶襄城千里孤  
舟去

柬張同禹

木落楚江晚渾無一紙書白雲隨望眼還似別  
離初

題天龍菴

白雲西畔是天龍醉眼摩挲認舊蹤他日青山  
賦招隱隔溪流水數株松



野航

半世高情付野航  
渚雲沙鳥此徜徉  
晚來亭館疑無路  
秋在蘆花月似霜

錢太醫山水圖

灑灑溪流剪剪霞  
夕陽浦口白鷗沙  
美人只在滄洲上  
只尺相看隔藕花

讀明妃曲

馬上琵琶淚眼枯  
黃雲沙磧隔單于  
從來妖艷傾人國  
在漢何如遠在胡

四景翎毛

露濕湘桃色更殷  
枝頭啼鳥曉風寒  
數聲隱隱穿花去  
惆悵傷春人倚欄

凍雀聲中梅正花  
春風入夜著山茶  
怪來巧鳥多情思  
白雪梢頭醉絳霞

牧牛圖次周鶴洲韻

菰蒲深處鳥呼羣  
溪上蹄涔路不分  
日暮調禽忘歸去  
西山松火暗秋雲

詠梅送熊通政

江南艸色別來久夢繞梅花思不禁何似拂衣  
歸去好小齋明月夜橫琴

林邦賢山水圖

流水平沙江路遙抱琴聊爾一相招知君故是  
清狂客春韭香時每見邀

題菊送弟希達

漂泊那知在異鄉故園秋菊幾番黃酒酣索筆  
還題畫珍重相期晚節香

夜明簾

合浦珍珠光照夜結爲簾幙價連城玉鈎不上  
黃昏後十二瓊樓月倍明

鸚鵡

榻外松花午夢香喚人鸚鵡綠羅裳禰衡去後  
誰能賦隴樹愁雲幾斷腸

石倉十二代詩選

明次集卷四十七

終

歷代詩選

明長安賢

次集卷四十七

七

九



國家圖書館, NATIONAL CENTRAL LIBRARY, TAIWAN, R.O.C.

歷代詩選  
明倫彙編  
家範典  
孝行典  
卷之六



石倉十二代詩選

明次集卷八

篁墩集

大明

休寧程君政  
後學曹學傑

詠隱士三首

天王不西狩列國多遊士  
楚狂獨何人長歌向  
夫子慷慨鳳德衰  
當已胡弗已晏歲草木蕃  
吾道亦云否勿使他日歎  
鳳鳥久不至

右楚狂

辯士朝入境暮享祿  
萬鐘胡為兩遺老  
墾此荒田中行行問津者  
日晚悲途窮  
邠殺鳴犢頸



血流殷紅臨河返車轡太息尼山翁

右沮溺

于于田舍翁行行荷其蕢過館聞磬聲知是客  
遊衛嗟此行路難寧云隱居易徬徨野水側淺  
揭深則厲多少乘桴心終成半塗廢

右荷蕢

六月五日雨後早朝偶然作

夜來一尺雨泊沒西家墻不知早已霽但覺天  
蒼涼獨行御溝畔流水聲泱泱仰視河漢間星  
斗爛輝光好風吹苧衣毛髮森秋霜渺然鴟夷  
子扁舟泛江鄉又若萬里鴻凌厲青雲翔人生  
貴適意此境安可常遙遙禁中鼓隱隱夜未央  
下馬一憩息旭日升東方

立秋日雨

涼風颯然至踈簾覺秋生炎燭一揮掃蟋蟀階  
下鳴玄髮能幾時寒暑相代更感之卧復起彷  
徨步前楹微風動衣袂蕭蕭天宇清帝鄉豈不  
好親舍難爲情反坐念歸計躑躅東方明

秋日病中

我本山澤臞不柰塵事擾趨朝與儼直長時失

月不言道 明和克勤  
昏曉况此疾侵尋藥裹詎能了頽然卧一榻頗  
似安巢鳥衷腸雜零亂苦恨知者少推窗一延  
竚黃葉墜林杪寒蟬固切切砧韻亦裊裊羈懷  
苦難釋所思在江表何時促歸裝天長塞鴻杳

德州道中

出逢漕舟來入逢漕舟去聯檣密于指我舫無  
着處沿流或相訪百詬亦難禦有如暴客至中  
夜失所據又如操江師擊撈散還聚摧篙與折  
纜往往繫愁慮平生凡幾出苦口戒徒御恐後

莫爭先寧緩勿求遽今茲畏簡書刻日覲當宁  
而况河防嚴衣冠重相懼危坐鬱成晚少寢驚  
達曙蕭蕭傍水村隱隱隔城樹緬懷古賢哲高  
卧得深處愧此行路難推蓬賦長句

送人之官嚴州

渺渺桐江水蠢蠢桐江山上有子陵臺孤絕難  
爲攀下有七里灘照影清塵顏幸哉君宦遊落  
茲山水間朝登野亭望暝見漁舟還時時得佳  
句忘我身抱關我家水上遊道出清溪灣因君

歷代詩選 明程克勤  
祭鄉思極目江雲間

玩芳亭爲段太監次西涯韻

沿徑入芳園蕭然覺塵迥起登罨畫亭四望如  
野景平生漢陰志俛仰慚掣綆墻竹來清風水  
花破幽澗主人性愛客時遣送佳茗摩挲靈壁  
峰孰是仇池境妙哉泉石趣叢小車徒騁草色  
侵簾幕芸香襲衣領爲和郢中篇煩心坐來省

次原博少宰詩韻

渡江已半月終日勞賓餞夜夢江上山恍若浮

蓋面覺來啓蓬閣千里橫一衍遙青出綠髻忽  
爾天外見明明詩卷落隱隱畫屏獻安得一往  
登趨我雙足健漁樵日來去過眼不知羨珍重  
瓠菴人偕此泉石願

送袁士瑩太守考績還淮安得童字

淮陽今大府南北舟車通上官絡繹至卧治將  
無功史君東南來瘦馬從一童績成奏天子出  
門歲將窮君本法曹郎皎皎百鍊銅坐令郡訟  
稀風化千里同勸君一卮酒美政貴保終不見

古循吏名與長淮東

賞菊得裏字

落木號空山幽花照墟里有客踏秋來對酒胡  
不喜正色臨前軒寒香撲書几醉眼一摩挲何  
如畫圖裏

十一月偶至南山黃落頗甚夜宿聞雨作  
清溪淺可涉朔氣動原野數日別山行殘菊不  
盈把多病恒鮮歡新篔簹夜寒夢屢續涼  
雨忽鳴尾俯仰天地中流光疾于馬紛紛歲將

晏稍幸世緣寡上想雲谷仙幽懷浩難瀉

秋日雜興

溪堂客散後敗葉鳴秋雨幽人讀易罷孤坐妙  
無語紛紛雀爭叢噉噉雁投渚羲馭不停機新  
涼忽如許掩關一欣然驚心向來暑

其二

雜住縣南郭懷抱長不開晝厭市井喧夜苦更  
漏催所以溪上村欣然自裛裛起居得靜安好  
客時一來開門俯脩竹移石坐古苔嘯歌待山



月猿鳥無驚猜幽棲老亦足擾擾胡爲哉

其三

偶開溪上園中有竹萬箇誅茅蒼翠間永日成  
獨坐涼颺何條條流水松下過幽人期不來新  
詩聽誰和

其四

往者鬱不樂駕言作郊遊蘿山若老龍一尾蟠  
荒陬蕭蕭佛舍古隱隱溪亭幽引躅日西下與  
客仍淹留邇來得佳墅竹柏環清流北山適當

門周覽無旁求乃知天與奇坐享非入謀眼中  
漸黃落曠野來高秋折簡塵外侶相隨豁吟眸

輓張世璉舍人

去年君家會隣曲芙蓉花紅池水綠今年君死  
藤束棺芙蓉花落池水寒明年花開對新主太  
息人生幾何許楚些招君君不來斜日虛堂淚  
如雨

分得戲馬臺送李應禎舍人還江東

拔山壯士重瞳子一戰睢陽萬人死歸來戲馬

歷代詩選 明和東華  
築高臺四顧憑陵劍光紫霜蹄驥裏空復多騅  
不逝兮將柰何芳草千年臺下土西風一夕帳  
中歌王孫衣錦還江左楚樹青青繫征舸登高  
把酒問興亡芒碭山頭日初墮苜蓿花殘春水  
生懷古匆匆不盡情回首荒基何處是淡煙疎  
柳隔彭城

侯門怨

綺窗日暮愁雲結寶鴨香銷紫檀屑美人一去  
不復還恨滿空林聽鴝鳩金盤蠟燭半成灰羅  
幌凝塵慘不開王孫夜夜愁多夢疑有芳魂落  
鏡臺捲簾忽見孤飛燕白日光陰疾如箭墳頭  
應長素馨花長對春風寄幽怨

東風解凍應制

去歲都城三尺雪御水潺潺凍全結半夜春從  
地底回一片菱花暖初裂春風着水水不知殺  
紋澹澹接清漪退朝閒步石橋上流澌半入昆  
明池黃柳垂絲拂東岬蕩清波心影凌亂青陽  
杲杲射圓沙幾簇魚苗聚還散太乙東皇隨斗

行韶華拍塞皆春聲臨流攬勝心獨喜物色向  
人如有情天潢固是得春早坐想八方春更好  
航海番人入貢來萬里川光淨于掃

病中夜試新茶簡二弟戲用建除體

建溪新茗如環鉤生人食之除百憂呼童滿注  
雪乳脚使我坐失平生愁朝來定與兩難弟執  
手共淪青甕甕腹藁已破五千卷舉身恨不登  
危樓玉川成仙幾百載清氣渺渺散不收典衣  
關懷只沽酒閉門却笑長安遊

送江淮衛知事沈德

沈君家住錢塘縣自少從師學書劍一朝隨牒  
上京師總詫青油幕中彥此時正伐西南夷尚  
書帳前多虎貔君來跨馬作從事不怕羽檄如  
星馳凱旋北闕方行賞元戎再入東西廣載筆  
先須揀俊才屬橐又復辭天仗竭來元戎罷遠  
征却總江淮餉道兵轅門案牘分曹署巨艦旌  
旄作隊行君在軍中不貪利學取漢朝清白吏  
主人喜是平江孫佐史還推隱侯喬手持長鈇

漫空彈一榻恒依大將壇半生飽識從軍樂八  
品甘爲寄祿官莫惜青衫畱滯久老大功名須  
作手殷勤我是尚書郎送客旗亭重回首

題宗人愈大上舍所藏白猫風荷圖

鏡湖水光如碧練一霎回風舞團扇馮夷乍啓  
水晶宮仙子齊勻鏡中面凌波徙倚欲傾城澤  
荇渚蒲如有情素葍搖香白鷺下青房墮影遊  
魚驚落手湘雲半舒卷脫色亭亭淨于剪五侯  
池館春闌珊耻共鉛華鬪深淺

朔州行送王汝璧太守述職西還

朔州城頭塞雲結朔州城下沙如雪赫連古戍  
白草枯一路笳聲吹不歇居民半是防秋兵十  
里五里屯軍營偏師夜坐烽火息飛輓小兒歌  
太平王郎家世本靈武明目張髯氣如虎羽林  
驕將不敢欺積裏人耕好田土窮州十年多苦  
辛奉檄更來覲紫宸長官知名聖君喜邊吏有  
才能幾人遙遙朔州城勸子一卮酒馬蹄明朝  
向山後女牆孤月重相思定倚危樓望南斗

次荆門管河楊郎中求題水墨葡萄

空中忽散摩尼珠一一牽動驅龍鬚  
鮫人淚莫盡升斗賈胡價可論  
鎚銖居然月上蜿蜒架真宰有心愁  
羽化玄香隱隱疑不飛瘦影離離巧  
相亞良工近來人未知日觀不來還  
數誰乳酒年來熟銀甕客星終夜窺  
端池關西夫子行河使寶繪堂中了  
公事底須滿摘水晶盤眼飽令人發  
詩思

鍾馗騎驢圖爲周可大憲使賦

陰風蕭蕭吹髮寒老馗夜踏山雨殘  
恨生不作中執法誓死肯負唐衣冠  
驪山夢破一回首上帝母煩六丁走  
魑魅都歸鞭策中贏得騎驢袖雙手

題四景畫

一夜春溪新雨足曉耕已徧前川曲  
烏犍少脫半犁閒鳥外茸茸草根綠  
坐愛一株沙柳陰展卷疑聞梁父吟  
布衣未接隆中聘誰識當年開

濟沁

右諸葛春耕

夏木陰陰波渺渺風外羣飛見沙鳥臨淵不爲  
釣絲輕黃梅雨過溪魚少石上苔花青更繁尾  
樽獨酌消塵煩可能著就玄真子亦有丹書三  
兩言

右玄真夏釣

西風蕭蕭振黃葉何處平原初罷獵會稽山下  
負薪人倚樹掀髯亦豪俠一朝印綬懸其身白  
日照耀新朱輪誰知擔上芸香冊只傳人驚車  
馬塵

右買臣秋樵

天山雪花大如席瀚海東頭絕人迹羣羊散落  
沙磧間嚙盡寒羶歲云夕塞垣孤月十九冬手  
持節旄歸漢封不知麟閣丹青手曾寫當時樵  
悴容

右屬國冬牧

題沈石田雨景

踏雪何人過長坂萬玉峰高澗聲遠山中隨處  
可登臨麥好何憂歲華晚僧舍茶煙青出林雲  
垂四野天沈沈憑誰坐我水亭上呵凍先成喜  
雪吟

湘渚推蓬圖

鷓鴣聲殘春水足倒影橫斜萬枝綠何人江上  
曉推篷入眼渾疑舞鸞鵠此君自是出塵表怪  
底人稱可醫俗雨中亂點啼痕斑月下清敲佩  
聲玉崢嶸頭角更堪喜莫遣行庖悞相斲臨風  
欲喚文湖州聽取新翻竹枝曲

錢舜舉清暉堂寫戲嬰圖爲臨淮顧謙賦  
海榴花開白日長繡屏十二雲錦張沈沈午漏  
下初刻搔頭不整慵來粧一姬南面金縷裳兩  
姬夾侍相頡頏頽然圍坐看兒戲斑管雕弧堆

象牀三姬鼎足如雁行玉階隨步鳴雙璫以口  
撫嬰愛入骨笑語彷彿聞昭陽一姬下坐收錦  
襜洗兒自與澆蘭湯涓涓秀若化生子銀盆水  
煖芙蓉香一姬轉盼殊未央拭巾在手明吳霜  
小鬟兩兩意閒適紕扇不動薰風涼茗溪畫史  
推錢郎柔思獨步丹青場摩挲舊本豈易得流  
傳遠自清暉堂才人不說顧長康鑒賞欲博千  
金強螽斯麟趾尚可作爲君擊節歌周王

題吳廷端太守山水障

蒼山突起浮雲中湖光百頃磨青銅底須飽看  
卧遊錄入眼已覺紅塵空何人卜築依山住一  
任飛雲掛庭樹下瞰澄江小作亭正據溪山最  
佳處柴扉晝掩呼未開石墻夜雨生莓苔門前  
有客問奇字短棹自携春酒來對听溪橋大于  
癸寒潮漸啗沙頭逕農家地僻少通車僧舍樓  
高屢聞磬村春有粟爨有薪忘機魚鳥相情親  
山林豈博鐘鼎貴優游最愛漁樵人竹鶴老翁  
今已矣半幅生綃映窗几風致公然似歛西歸

興蕭蕭隔千里練水屏山今所無故鄉之樂不  
可孤相期歲晚結新社飽玩天開真畫圖

題田家娶婦圖

逕草如煙柳如幕日上茅簷鼓聲作田翁遣女  
不出村東舍西隣隔墟落新婦駕牛兒跨驢家  
人後擁翁前驅兒家舉酒攔道勸舅甥幾世同  
桑榆耳邊阿婆私屬父肩上嬌嬰肯離祖歡聲  
一路到柴關野伶山歌柘枝舞兩門彷彿朱與  
陳鄉儀簡古民風淳華筵酒肆設珠翠想見紛



歷代詩選 卷之四  
紛京洛塵婦媿男耕罷征戍安得移家箇中住  
長因擊節頌年豐不作催科打門句

桃源行爲楊州王彥平太守題畫

前村雞鳴後村應四山如城石無磴男耕女織  
自春秋不許世塵通一徑遶溪種桃無雜花十  
里五里明朝霞穿花作路記來往秦虛不到山  
人家捕魚深入者誰氏鳴榔忽過青山趾溪亭  
老翁疑且驚失路何人誤來此小問市朝經幾  
王客云有晉今太康邀歸戀戀作雞黍屈指悠

悠悲海桑異事流傳寧復再神仙已遠丹青在  
昌黎有作誠得之餘子雖工亦何逮我嘗三復  
柴桑吟桃源楚地幽且深楚人讐秦不相屈忠  
義誰明千載心竹鶴老人年九十點染生綉墨  
猶濕楚江山水晉風神却似身曾到原隰維揚  
太守開別筵披圖細玩春風前興酣一訂武陵  
史爲君改賦逃秦篇

憩鄭州

鄭市猶如此揚鞭幾度過荒城臨曠野古廟控

長河境勝爭先覩詩慳取次哦少年今老大感慨若爲多

宿資勝寺與王文興進士夜談

載酒朝相過論心夜未中卧殘禪室冷談徹講堂空香篆銷輕縷燈花落小紅好懷攄不盡鐘起院墻東

送李廷珍行人出使占城

帝遣皇華使宣威向海東夜行占北斗曉發待西風鼉背番城近螭頭漢節通定知唐李揆清

譽播蠻中

挽金芸窗

寂莫九原士風流萬石君霜凋南國蕙塵冷北窗芸洲水移先業吳涇卜近墳從知秬侯裔不愧陸生文

夏月有懷

露坐南楹下東城夜未央上簾邀月影移席起荷香病覺吟身瘦眠愁客夢長星河淨如練因爾歎殊鄉

射蜃湖

青草湖陰路神人跡尚留雕翎方出殼蜃氣不成樓亂石灘聲急連村樹色稠英魂知不散時向此中遊

淳安道中用漁梁壩韻

桐梓何年盛谿頭尚有源踈梅臨竹岬細麥擁茶園興薄飛鴉去閒便浴鷺翻舟師能指點空谷應人言

元旦早朝

共上履端慶追陪鵷鷺行寅賓趨玉陛平旦下青坊四十行年始涓埃報日長無聞知不免慚愧授經郎

歌風臺次韻二首

萬乘還家日威生泗水前楚聲聒復爾漢業已茫然宿雨苔花亂斜陽樹影偏一臺慚廢馬相望亦千年

渺渺荒臺上蕭蕭白日前籀文多剝矣井汲尚泠然故國誇形勝新亭說地偏向來懷古意蹤

跡又經年

題畫送金宗德還吳中

執手河橋畔長亭野望通  
離觴分若下客棹向  
婁東茂樹含風遠流雲墮地空  
到家應幾日天  
未見歸鴻

東園口誦山色雨聲一聯目約爲武夷之  
行隨足成之

幾載各西東相逢一醉同  
客程山色外離思雨  
聲中白社尋常句蒼頭四十翁  
停雲知有意江

上候南鴻

東干曉睡

曠日秋無際佳晴夜有霜  
花寒明廢隴葉落蔽  
橫塘朔氣山容瘦斜暉  
斲影長一縑真畫本峰  
麓下牛羊

奉送浣齋先生之喪至通州晚渡渾河嘴

重宿安仲和家

曉隨軒蓋下通津舊館重來歎  
此身千里關河  
丹旄遠十年賓主白頭新  
開樽見月猶前度倚

歷代詩選 明穆克勤  
柱看花及暮春腸斷夜來停權晚白沙漁火照  
離人

郭主事分司百步洪作雙堤以禦水患行者便之

百步洪連舊楚城分司誰是濟川英才驚夾岍  
雙虹起便覺行舟一櫂輕霜入芙蓉秋漲落風  
回楊柳暮煙生何時醉倚樓頭月重聽王郎笛  
裏聲

尋梅徑爲許廷冕職方賦

老圃南通一徑回天寒初放隴頭梅野人竹外  
扶筇至地主花前載酒來短笛吹殘江戍角暗  
香飛度石城隈晚晴記得歸時路海月昏昏照  
古苔

送安成李君丞休寧縣

雛鳳翩翩早應徵一官恩命羨初膺久知栢府  
難爲第近喜松廳不負丞行處漸看春似錦離  
人何惜酒如澠故鄉有問京華事多病年來客  
茂陵

送汪孔達同知嘉定州

手持新牒佐明州州在南川最上流綫道盤雲  
迴樹杪怒江飛雨過城頭簿書永日渾閒事燈  
火良宵憶舊遊從此相望天萬里思君時上北  
山樓

出土城

古長城下凍嵐深冰斷河隍雪滿林岐路忽分  
雙堠側諸陵遙出亂峰陰道傍逆旅應相認石  
上題名半可尋前度近臣今再往臨風徒切抱

弓心

與亨大懋衡二太史天瑞元益貫之三給  
事同遊神樂觀是日廉伯有約不至

城樓旗角蕩朝暉行入郊垆訪翠微塵淨石壇  
門閉早蘚封山徑客來稀柳陰閒繫青驄馬花  
氣濃薰白紵衣南國沙堤平似掌不妨身戴月  
明歸

又

城南策馬一經過眼底偏驚樂事多地王旋開

桑落酒山童能唱竹枝歌翠雲宮殿聞玄鶴青  
草池塘見白鷺却愛道人幽獨好幾時携手入  
煙蘿

迎駕次韻亨父

一聲清蹕下郊壇闔闔齊開敞玉闌十二鑿鈴  
陳路馬三千犀甲擁材官爐煙散綵凝香霧扇  
影分雲護淺寒最是詞臣偏近輦龍顏春色有  
餘歡

過觀音寺和壁上舊題

勝地曾容半榻分當時不厭往來勤風塵尚識  
門前路歲月驚看壁上文舊屋雕梁空燕壘古  
原青草見羊羣西風不盡登樓興官况蕭然薄  
似雲

分得荷蕩香風爲周民表評事賦先塋

一川雲錦爲誰栽香觸繁陰掃不開依約似隨  
菱唱散飄揚還近葉舟來青房雨歇遊魚上翠  
葆風回宿鷺猜極目感慈山下路水花空對夕  
陽臺

度東山嶺

石橋駐馬問田翁一塢深深隔樹東  
帝子閣前沙似粟野神祠下路如弓  
踈松古礪風微動細草陰厓雪半融  
回望紅塵才數里不知身在亂山中

聞南都新開池館之勝漫摘坦姪二對成

詩

別業新開水竹居遊塵全不到庭除  
棟花臺榭聞幽鳥荻草盆池種小魚  
翁醉不勞方竹引客

吟多借古藤書何時罷直金華省  
日日江頭奉板輿

送曲阜孔知縣

奉檄初登子賤臺素王家世不凡材  
詩書魯壁新弦誦井牧尼山舊草萊  
簾幕書垂公署散盤盂春薦享堂開  
暇時還約賢宗子共掃奎文石上苔

瓊島春雲應制

五色氤氳曉未開一春長遶玉峰來  
成祥頃刻



非無意行雨分明是有才御氣遠通花萼殿靈  
根偏護栢梁臺望中忽感從龍念恐有遺賢在  
草萊

陸廉伯太史家賞蓮得天字

小院涼生雨後天一樽同賞甕池蓮散花曉日  
來天女步月清宵見水仙坐客不辭浮白令主  
人何惜買紅錢興來忍折芳筩盡回首風光又  
隔年

賀高揮使生子

錦棚香襲舊征袍轉覺王孫甲第高喜氣鎮浮  
三日迴啼聲渾似五陵豪四筵湯餅朝開讌左  
戶蓬桑夜屬橐已是他年真將種殷勤傳付呂  
虔刀

送耿司業先生省親還河南

垂白萱親在北堂喜承恩詔趣歸裝秋容黯淡  
辭都下曉夢依稀到洛陽萊子舊衣增刺繡陽  
城新例有封章踈庸濫逐門生後駐馬離亭盡  
一觴

乙未十一月十六日長至有感

吟鬚再見幾莖霜愁思應隨一線長月色也從  
今夜減酒懷爭似少年狂海榴漫說偏多子喬  
木誰憐隔異鄉好是浮名歸未得十年辛苦尚  
爲郎

送戶部石宗海員外赴四川提學

予同年  
爲吉士

徂徠家學未應蕪喜奉新恩向蜀都費舍威聲  
思按察玉堂丰采重司徒行臺曉月諸生試比  
屋春風五教敷相守不堪相別處整爾驄馬盡

離韻

渡白溝

白溝東下水如襟不盡行人弔古心戍壘風雲  
畱斷岬農家煙火半空林縱橫列國通燕趙興  
廢千年說宋金似有仙郎知此意權歌聲入水  
雲深

○梁顥墓

顥年四十餘登第官至秘書卒  
年五十餘子固亦登第爲執政官名載  
宋史而當時好事者稱其八十二舉狀

歷代詩選 明和苑 卷一  
元至其子孫亦無知者詩以訂之

四十登科五十二史書猶載秘書梁誰將白髮  
欺公道遂使龍頭失故常世俗固應多訊耳子  
孫何得誤傳芳有靈地下還知此獨對泉臺笑  
幾場

彭城廢縣南謁漢高祖廟

古原荒樹倚村斜高廟威靈亦可嗟警蹕千年  
餘塑馬鏡簫終夕望神鴉碭山落日消雲氣雕  
水寒風捲岬沙漠楚興亾那復問一龕燈火屬

僧家

徐州望子房山山上有祠

子房祠在望中岑蔓草寒煙尚可尋五世報韓  
終有恨一時興漢本無心書傳黃石知真廣名  
配青山自古今立馬斜陽無限思天教風壑助  
豪吟

汪王廟

聞說真人起晉陽六州圖籍便歸唐干戈竟免  
羣生難簪笏宜傳百世芳封誥尚存題越國史

書全失紀吳王叢祠香火年年盛知是英魂戀故鄉

拜先世祖梁將軍忠壯公廟于篁墩

僭侯東下勢難支出處如公最有辭忍見松楸  
污賊手徑提戈甲濟王師兩朝勲德收前史一  
郡蒸嘗奉古祠再拜遺容風動幕凜然猶是起  
兵時

紫陽書院

千載山堂倚故墟兒童能識紫陽朱鄉賢依倚

襟裾末縣令周行俎豆餘恩典近延徽國譖奎  
文猶刻理宗書平生學道全無似九拜趨庭愧  
末儒

次宋縣令鄒補之巖口石壁留題之作

不見當年舊縣基獨留孤廟想陳隋水過山脚  
無尋處路遶雲根有斷時雉堞草荒埋廢礎鶯  
峰苔老剝殘碑危欄却倚青冥望入眼分明自  
有詩

松蘿山

歷代詩選

月星克功

次集卷四八

十五

雙峽中分一徑通寶坊遙隔片雲東四時山色  
涵空翠萬折泉聲瀉斷虹清愛竹孫穿凍雪靜  
聞松子落香風登高兩屐吾方健携手無因得  
贊公

夜穿杭城宿吳山驛明日三司故人固請  
遊西湖又明日遂拜岳王墳飲淨慈寺  
時顧天錫郎中以公事寓杭不及預會  
匆匆行李夜穿城好友來尋半日盟峰頂幾多  
僧錫住湖心無數酒船行風來廢苑堪懷古雨

餽殘碑不記名入眼淨慈還數里望塵先拜岳  
王瑩

湖上東風水似苔羣公相約看山來午鐘殷殷  
穿祇樹春宴紛紛集寶臺千里暫教塵夢醒一  
樽思待故人開興酣更欲尋龍井誰有風流續  
辯才

過太湖追和宋蘇舜欽韻

萬古淵源直到今征帆如葉望中深天留白塔  
分平野雲擁青山入太陰江勢西來寒滙玉日

華東出暖浮金蘇郎死後閒風月吳下何人續  
勝吟

李員外應禎吳太史原博約遊虎丘

日散林霏見虎丘故人清約此閒遊望深綠樹  
和藏剎吟徧青山始繫舟塔院風來花似雪劔  
池春到水如油酒闌不盡吳中勝老衲相招更  
倚樓

楊州

東風吹徹晚陰晴兩岫新燕一權橫去我青山

如避俗向人黃桺欲傾城潮回海口鹽船上春  
入淮南米價生二十四橋漁唱徧嫦娥應識古  
今情

江日輝輝下廣陵客邊吟興偶然增宋軍水砦  
多編戶隋帝離宮半屬僧鶩鴨似便春雨數樓  
臺爭出暮雲層往來總戴承平福莫問從前幾  
廢興

次清江浦邵文敬吳文盛二主事邀飲寄

寄亭中夜放舟至清口曉渡淮至清河

乃別

杏花紅爛竹梢青水次新開寄寄亭共挽行裝  
春送酒還催撾鼓夜揚舡風悲舊楚遙聞樹天  
入長淮下見星記取客邊分去任驛樓殘角夢  
初醒

古城驛遇南京大司馬薛公詩以送之并

謝惠絜

樓船三月下江東獵獵旌旗暖受風林壑有情  
歸謝傳廟堂何意起裴公貔貅作隊迎新詔龍

虎分疆擁舊宮幕府勲勞應日盛軍儲曾贊幾  
元戎

賤子乘春上石渠喜逢先達艤舟餘當牀幸展  
梁生拜乞米寧工曾郡書岍雨綠苗方淨好水  
風黃柳共虛徐相遠無限通家意請向諸郎報  
起居

夾溝道中

獵獵風帆水滿塘明明春岍柳成行連村犬不  
驚薪女俯渚鷗全識權郎官牖聚舟皆漕運野

屋不言  
明和  
異鄉  
田空屋有逃  
叀推蓬不見  
青山色始覺  
風光最

送義門鎮巡簡李廷用

西風殘暑餞  
離筵擊節長  
歌寶劔篇辛  
苦携家  
南向毫恩榮  
隨例北辭燕  
垂楊驛路三  
千里喬  
木人家五  
百年想過故  
鄉先駐馬  
占穰秋熟酒  
如泉

送劉尚質舍人乃兄還巴陵

萬里家園菊未  
莎一舟隨雨下  
官河歸時夢入

身川近老去情  
于北阮多狎鷺  
有盟秋未冷  
賓鴻成陣夜  
初過巴人倡  
和真能事贈  
別慚無郢  
上歌

再觀丞相王公奏議次前韻作

廟謨惟欲保  
東南幾許忠  
言主未甘分  
鎮獨餘  
唐末議從戎  
誰說晉清談  
傳家素節推  
楊震去  
國高風憶孔  
戡畱取百年  
遺蔭在當門  
槐幄尚  
成三

中秋開宴南山宗賢畢集燕後閒步墳菴



水次偶成贈同行諸君子

初向南山見月圓笑談相對欲忘眠他鄉每歲  
思千里好友今宵共一筵人影漸分山寺側蛩  
聲多近石梁邊眼前又作朝天計同步沙頭在  
幾年

歸途有作

爲送行臺出縣門不辭携酒到山根竹陰正入  
支公寺樹色遙連王簿村潮嚙新沙知廢路水  
春機碓隔荒垣望中一簇峰巒秀問是鄉名古

夾源

閻文振方伯王景端都閫諸公邀餞靈隱  
寺

錢塘門外日初紅萬頃湖光一鏡空白塔蒼松  
山向背畫船垂柳路西東放生字認唐遺碣行  
在名傳宋故宫弔古有情詩不逮一林啼鳥自  
春風

登金山二首

眼中帆影去如飛檻外波光碧四圍南北勝遊

歷代詩選 明和克勤 十一  
皆下此乾坤高興獨憑危中濡水品清人骨絕  
海風聲振客衣張祐有詩誰更續留雲亭畔倚  
斜暉

大江中擁一峰孤面面天開海嶽圖黃鶴久隨  
拳石化白龜能受老僧呼遺丘漫指青囊郭劫  
火猶傳玉帶蘇起向妙高臺上立朶雲紅處是  
皇都

送王汝璧同知自河南督運大同

壯哉騎馬出居庸轉餉歸來倏過冬虜境尚聞

傳夜柝漢屯誰復事春農髮隨驛路年華改酒  
入旗亭別意濃菜色更深伊洛地使君何以慰  
喁喁

送寧縣張秦省母南省

久侍嚴君官冀北又寧慈母返江南舅家派遠  
新通譜宦邸情深屢接談行處片帆衝暑雨到  
時雙屐破晴嵐承恩堂上春如海預喜稱觴客  
盡酣

送庶吉士吳儼養疾還南

歷代詩選

月星已効

次集卷四八

十一

九

月不言送 明和克勤  
一舟遙出潞河濤賜告南還喜不禁吟望銅官  
秋屐遠夢回天祿夜燈深青年暫賦思歸引白  
日長縈戀關心屈指重來身更健春風雙佩入  
詞林

賞王司言儀賓府千葉緋桃

賞心長在鳳池東一種繁華也自紅細葉巧隨  
金剪落靚妝勻試玉奩空移根曾見新培土凝  
涕渾如舊倚風重凭畫欄驚歲月不辭觴咏遠  
芳叢

送柳副憲提督松潘兵備便道過家省母

憲節西行重外臺秋曹人說舊多才暫同一將  
論兵坐想見諸番接詔來幕府近山飛暑電樓  
船入峽殷晴雷壯遊正出巴陵道贏得高堂舉  
壽杯

送熊騰霄侍御赴山西副使

近來除命似君稀新帶橫金豸作衣久矣十年  
書歲課壯哉千里怯霜威中州善類知難得西  
土流亾喜漸歸相送出城應駐馬祖筵春日正

花飛

趨闕承恩圖爲錦衣魯百戶題

新從飛將破臯蘭喜拜金吾近侍官白馬遡風  
過御苑錦衣流彩動長安三秋絕塞煙塵淨一  
日中天雨露寬撫景爲君期遠大舊圖麟閣炳  
如丹

郊壇陪祀夜宿神樂觀聞都尉草亭受命  
畱守承天門賦此奉寄

聖主南郊奉大禋宮門畱鑰付親臣龍池漏點  
沿城報虎衛軍容夾路陳令肅自應聞將醉才  
高誰足重儒紳齋居一宿停雲意坐對東風月  
向晨

並蒂蓮和青谿學士韻

疑是雙娥下渚宮凌波微動一簾風霞翻疊縠  
湘裊重月射連珠漢佩空樂隊臨池催羯鼓酒  
籌當席轉牙筒奇觀欲藉丹青手貌取東軒錦  
繡叢

次韻賀李若虛憲副得男

每見杭人問再三行臺秋日可生男械題麟紱  
俄傳喜慶乏犀錢却負慚從昔有聞仙李在繼  
今相屬海榴堪知君苦瘦常慳飲不道春來不  
盡酣

○病中齋居兼謝西涯學士見過

倚榻蕭然不出門坐聽宮漏幾黃昏暑留巾襪  
齋心慣病却茶瓜藥禁存竹簡有情時共閱楸  
枰無偶但空捫故人秉燭能相訪踏破閒階碧  
蘚痕

送沈良臣知歸德

雙旌搖拂薊門秋已覺先聲滿宋州甲榜自稱  
前進士專城人羨古諸侯金鳧香瀉離筵酒彩  
鷗光生客路舟入境爲君先送喜如雲嘉穀徧  
西疇

立秋前二日遊溪西竹屋馬上次同遊者

韻

溪上林亭待客遊茶瓜今日定淹留馬驚小雨  
還成霽蟬咽薰風已報秋沙路散行迷遠近水

禽貪浴自沈浮望中早覺西山好十里嵐光翠  
欲流

○飲司言儀賓園亭限韻

雅意寧須錦步圍亂荷如草綠菲菲花前喜聽  
江南弄醉後須拚月下歸縱墨繞叢嫌竹粉露  
眠當逕借苔衣誰行酒令嚴如許交錯觥籌總  
不違

○題陳邦濟小景

鳥外連峰認蜀鄉鷗邊新水似清湘山行尚挈

圖書譜野坐渾勝吏隱堂隨地塵埃慚馬癖及  
時紅紫笑蜂狂燕酷不說郫筒飲何日相期爲  
洗觴

遊金山寺

隔岼鐘聲忽報晴海霞紅拂鏡中明秋亭欲撫  
南鴻背夜閣遙瞻北斗坪地迥有泉消醉渴景  
多無筆寄吟情壯遊直蹴金鼇頂小住征帆幾  
日程

遊桓山

別路停橈泗水濤秋山高處一登臨夕陽回望  
州城遠落木中穿石洞深桓氏久應無葬骨梵  
宮聊爾繫遊心摩崖尚刻蘇公字擊節何人續  
楚吟

○祭昌平

出郭先登亂石岡凍雲垂野日蒼涼田蕪冬盡  
猶慳雪陵樹年深總柰霜寢殿四圍山色近御  
橋橫截礪聲長齋居依舊西風下鷓鷯相聯第  
幾行

喜晴

山靈應試我重來谿霧林霏次第開周道暗塵  
如水淨漢陵佳氣逐陽回先朝駐馬畱齊殿何  
處呼鷹有獵臺預恐陰何詩力健擁爐無計撥  
寒灰

至日謁陵畢懷侍班諸君

四寢叨陪夜奉祠八方稱慶擁朝儀珠簾宿霧  
飄香篆玉陛晨光動戟支北伐已閒沙塞檄東  
封何羨泰山碑晴天好月歸途便傾倒奚囊慰

所思

○和屠都憲朝宗見嘲

相隔齋廬百步多吟筒來速柰君何已操漢吏  
三章法更愛韋郎五字哦口業未除時破戒詩  
禪常定不成魔野田處處方憂麥願和烏臺郢  
上歌

○題清河新寺

突兀前時起梵祠曾看金狄好光儀詩非疏筍  
誰當可出有輕肥總類支樽酒擬開蓮社約文

章何似菜園碑寒天落日還過此極目窮簷重  
有思

望狄梁公祠

叢祠香火對山開相國勲名重古來浴日有人  
歸薦草嘯風無鬼附荒萊晴雲忽作千峰暝朔  
氣還傳萬壑哀遺愛已深忘歲月長松生子竹  
生胎

送南京少宗伯尹正言先生奉表入賀禮

成還任



章城西畔設離筵冠蓋紛紛下集仙馬首紅塵  
猶昨日鏡中華髮幾流年行當綠樹飛霜後歸  
及江梅破臘先珍重一觴情莫盡雙旌搖曳夕  
陽邊

○分得湖水接藍爲戚里孫雪亭錦衣賦  
驚嶺東來百畝藍礪毛溪髮共鬢髮鏡光冷浸  
幽堂外黛色濃拖隧道南遠脉已培先業厚涓  
流寧似聖恩覃尋源記取山中路蔽野猶存古  
石楠

壽鄉人方軫

山堂開宴洞仙謳六十年來未白頭隱處遠追  
盤谷徑壽醅新潑練江流丘園束帛期三老甲  
第歌鐘笑五侯附鶴有詩應自此蓬萊他日幾  
添籌

送徐大叅公肅還河南

與君前後入都城才得論心又送行亭上朔風  
消酒力道中寒月聽車聲來朝遠上南山壽去  
路回瞻北斗明洛下人家應慰藉春光先近一

陽生

送李景祥赴台郡教授

京邸相看識面初，銓曹俄復聽新除。當朝九五才聞詔，行路尋常只載書。朔土寒風增客鬪，天台春色候經畬。黌宮努力宜先達，誰有三鱣到講餘。

○洗句亭爲仇司訓東之賦

七十二泉天下奇，儘斟寒綠沁詩脾。環亭巧作流觴處，隔座潛通洗墨池。競病可能煎俗韻，推

敲長愛俯清漪。高吟不數澄江練，地主風流盛一時。

贈吳遠貢士赴南雍

禁柳青青入望餘，暖風吹雨濕征裾。北來終奏長楊賦，南去還携小戴書。驛路帆檣春水足，橋門燈火夜窗虛。承聞二老身全健，幾日高堂問起居。

○珍姪求詩贈蕭揮使奉表入賀還溫州

聞道英姿有父風，一函稱慶大明宮。忽瞻夜斗

辭都下遠沂春濤向浙東征旆小分官柳綠離  
觴清浥渚花紅無由識面東風裏試子論文說  
劍中

送劉振之還常熟

幾年相識劉師服命棹還家不可留客路曉風  
吹雁度關河春水帶冰流行邊佳什傾諸老醉  
裏高情薄五侯無限江南野花月待君收拾付  
詩郵

過睽東白善世留酌

地主風流勝辯才相逢何必問西來退朝一馬  
當廳下入社雙眉喚酒開人樂盛時閒半日寺  
臨馳道絕纖埃斜陽未盡同遊興直任高城調  
落梅

謁狄梁公廟

香火熒煌照翠微古祠猶在舊城非殘碑蝕土  
高三尺老樹凌霜大十圍隻手誰扶紅日上寸  
心曾遶白雲飛偶來未及椒漿奠回首青山帶  
落暉

清明陪祀西陵

暖風連日漲遊塵好雨東來足慰人濕翠倚空  
山盡出淡黃當路柳初勻雞啼縣郭才經午馬  
踏川原正及春陵廟禮成歸奏御杏餉榆火一  
番新

送辨如海上人還松江

霜鴻將盡一帆開遠別難勝老辯才郢客未分  
新社約吳僧先掃舊經臺枯腸臘供芟畦菜白  
足春耕了徑苔聞說木蘭花未老晚香盈握待

師來

客請遊望湖亭脩碧軒不及往次韻

西望湖天半日程擬斟寒淥洗塵纓一灣路隔  
紅雲遠五月涼生白苧輕山寺茶煙衝鶴起石  
門空翠逼人清春來遙憶憑欄處萬頃鷗波夕  
照明

送汪大淵赴永州通判

都門曉日動鳴珂漸覺東風轉玉河佐郡正當  
湖北路離筵遙和郢中歌十年自守春秋學千

里誰優政事科老我臨岐重回首眼前朋舊已  
無多

留別清化寺岳東明上人

過眼流光不自勝邇來三月共寒燈憑誰可是  
忘形容笑我真成有髮僧別酒定拚空臘味歸  
途聞說解春冰投林倦鳥心猶悸莫道城南紙  
價增

留別通州王德明守備

將軍留客薦離樽說劍論詩笑語溫塞柳曾窺

單騎出芸窗猶護一經存牛羊落日京都路鼓  
角春風海上屯肯爲傍人譏白面聽君奇策報  
殊恩

雲龍山留別宗姪楚英同守

客裏孤舟此暫停夕陽紅處亂峰青閒雲尚繞  
從龍地蔓草空餘放鶴亭佛散寶花成舊刹人  
摩蒼蘚刻新銘等閑弔古情無限不爲傷離酒  
易醒

登多景樓

歷代詩選 明和克勤  
點黯江雲結暮陰江樓高處一登臨山根亂雪  
搖雙櫓天外遙青出寸岑歸去已慚陶令賦醉  
中偏愛穎師琴鱗魚竹筍江南路幸及霜毫未  
滿簪

○晚登姑蘇驛樓與瞿剛貢士小酌有感  
躡屐重登闌闔樓吳歛聽已八回秋驛夫迎舫  
驚生客穉子循廊感舊遊塔影帶雲橫樹杪鵲  
聲和雨下城頭晚涼不盡裊裊意取次王程待  
放舟

端午日與于景瞻京兆同至孤山

七年重憩孤山麓一院湖光淨客衣自喜舟中  
佳節至誰言林下故人稀暗香踈影新篇少白  
日蒼松舊塚非更遣移樽六橋外野鷗相對已  
忘機

留別淳安劉尹仲和兼呈大司空胡公大  
參應公諸鄉舊

淳安曾是歙東鄉地主相留合盡觴梅雨勢添  
溪汲惡竹禽聲助野歌長坐慚師席稱元老語

歷代詩選 明和克勤  
及名途笑漫郎他日重來尋舊約一塵容我寄  
漁榔

教諭許君置酒藏書閣有懷融堂錢先生  
登高元不爲傷離雨後溪山一倍奇野寺晴嵐  
隨畫出石林殘照與詩宜醉呼豆莢供新茗閒  
掃苔花讀舊碑前輩風流誰復在百年融老是  
吾師

小金山

千尺波心得異觀水雲中鎖碧巔  
蛟龍宅近

蟠根久鶴鶴巢居墮影寒白社可能專佛印紅  
塵曾不了漁竿他時浮玉論形勢擬酌山靈說  
二難

石嶺道中作

香山中斷路透迤秋色偏于客興宜紅樹烏犍  
歸別隴敗萍花鴨點幽池鏡中老壯誰相約林  
下清閒我自持村巷莫驚連夜發幾人雞黍是  
真期

斷石村秋社作

歷代詩選 明穆宗朝  
秋水崩沙擁斷堤午風吹樹忽聞雞吟身正喜  
輕如葉社飲何妨醉似泥菜圃引籬斜作徑菱  
塘分淥下通溪呼船直抵澄潭下細掃蒼崖讀  
舊題

抱病經歲不作詩辛亥二月一日登齊雲

岩試筆一首

石洞誰穿薜荔封玄雲宮闕遠聞鐘萬松風奏  
笙簧雜疊嶂天開錦繡重久住定應凡骨換偶  
來忘却病身慵斜陽更騁東南望正見黃山第

一峰

六月八日與李推官南山小酌

返照斜銜月半弓一襟清暑愛溪風人行稻隴  
交加處山在林塘掩映中遊興漸開知病減酒  
材難致笑詩窮蓬門花徑淹畱地賴有平生北  
海公

○早過車田村

沙岬深穿石徑幽橘梢藤刺翠相糝孤村路出  
荒垣近十畝陰蟠古木稠樵狗半灣松崦脚水



春遙響竹棚頭息肩少狎羣鷗坐不覺涼生兩  
袂秋

辛亥秋社作

一叢茅屋枕潺湲簫鼓喧闐綠樹間田社又明  
三度飲鬢絲新入幾莖斑橫秋雁陣來何許破  
午雞聲出近山解綬正堪同擊壤不妨身載夕  
陽還

分得石人峰送徐中行貢士

幾年溪上寄行蹤天與奇形水墨濃面冷任教

山鳥怪衣單聊藉石苔封斷崖名刻摧秋雨隔  
听村居對夕春攬勝有人頻駐目恨無佳句抗  
塵容

瑩姬于書室中釀酒一缸余山行歸見大  
喜以詩求酌不與

曉來閒步入山房似有新醅隔院香稍學秋蛩  
吟几席忽驚春溜落糟牀急呼東道君難免笑  
對西風喜欲狂德曜有言寧爲子一樽方擬壽  
高堂

飲樂山閣留別張慎隱居

偶憑高閣寄閒情  
白鳥寒江野望平  
三徑疊雲通後塢  
一峰飛翠落前楹  
樵人向晚長過嶺  
地主經旬不到城  
與客醉來仍借宿  
夜談重理舊詩盟

十一月廿七日送士敬至浦口別後賦此

一樽傾盡下江樓  
帶郭晴嵐午未收  
樹杪天長圍石嶺  
竹根溪淺露沙洲  
隔林煙火三家市  
下水風帆一葉舟  
相送遠遊驚歲晚  
不禁離思逐

東流

塔坑舖

一村雞犬塔坑前  
老我山行暫息肩  
路轉嶺陰殘雪在  
峰迴林杪夕陽偏  
渡驚削木通危徑  
春愛機槽響暗泉  
曠目此回真得意  
數聲寒鵲遶吟邊

○上巳日脩禊南山溪上限韻

一瓢春酒勝雕胡  
聊與山陰續舊圖  
臨水坐分盤石淨  
倚天吟望玉峰孤  
風飄花片隨芒屨  
火

歷代詩選 明穆宗 卷四  
引松枝沸竹爐待取日斜觴詠足錦囊收拾付  
奚奴

○新得北山別墅志喜

幾年儲却草堂貲一日溪行偶得之種竹何人  
先爲我見山隨處總宜詩松林便取斜開徑石  
瀨仍分曲度池塵務自今應不到往來樵牧是  
心知

飲汪氏亭子調黃司訓汝彝

攬勝歸來日未晡汪家亭子更開壺老人土味

留賓客博士山裝累僕夫半醉擬憑溪上石一  
餐思摘澗中蒲相携欲借龍眠手繪作春風野  
宴圖

○送甘同守入賀聖節兼有考績之行

敬祝堯年上帝州凌晨敲鼓發官舟泂溪雪漲  
經梅雨壓隴雲黃動麥秋漢史久應書上考澗  
城何必換新謳西風屈指迎歸旆竹馬歡聲郭  
外樓

送都憲侶公

歷代詩選 明和克勤  
幾停旄鉞問耕蠶又過山城拂曙嵐五月風霜  
隨遠邇千年財賦出東南臺恩再慰忠賢望郡  
澤猶聞父老談只恐廟堂還柱石道傍無計縮  
歸驂

松崖爲縣人胡昭題

老髯踞石幽且貞喜君卜居若平生三更繞地  
星月碎九夏半空風雨驚知心晏歲竹連塢過  
服一春花滿城斲苓有約幸無拒杖藜來尋猿  
鶴盟

題歸隱卷

載將明月滿船歸多少田園誓豈違夾路漁樵  
驚識面入門兒女笑牽衣家山勝似黃泥坂村  
酒香于采石磯老向太平吾與子却因佳句憶  
玄暉

十月十三日雨中飲長汀寺

古寺今來感慨多更禁寒雨下庭柯屋經野火  
餘金像簾捲峰嵐出翠螺問訊禪牀僧已老摩  
挲詩案客重過茅堂祗隔青山外莫厭時時到

歷代詩選  
明穆克勤  
卷八  
薛蘿

二月十四日李修撰子陽請飲江北陳家

王修撰德輝在座

客裏欣逢雨狀頭東風三日繫蘭舟浙西何處  
春色好江北舊家池館幽醉任往來衝細雨情  
牽離合付新謳忽驚巷額題潘閔愧我無詩紀  
勝遊

謁范文正公祠二首

廣庭端拜一塵無門外清溪照綠蕪三代偉人

生慶曆千年遺廟託姑蘇淺夫敢竊先憂號盛  
德還徵後系圖徽國陋儒空仰止海峰高絕倚  
天孤

范家園脚步春風皎日英標在眼中銀杏十圍  
家廟古玉稷千頃義庄豐身當文正無雙士手  
授中庸第一功却走畫廊看翠礪朱絃三歎憶  
歐公

○十二月七日監放官吏俸糧其冊云學士  
程某等共支米二百石初蓋不知當此

首選也戲成一律奉寅長西涯先生同  
一捧腹云

三十餘年翰墨壇強顏來作計籌官清朝制古  
頗恩厚冷局人多卒歲難吏事不堪詩興敗公  
庖無暇晚炊寒偶披俸曆掀髯笑淺薄由來首  
素餐

故禮部侍郎東嘉章公哀輓

早參儀部識人龍長荷先生降禮容林下黃花  
方采采墓前芳草忽茸茸生榮有客同三省死

諫何人犯九重千載懷賢憂國意臨風誰說涕  
無從

秋林書屋爲汪尚文賦

四時佳致擁山房却到西風趣更長日謝故人  
來舊雨夜便燈火入新涼丹楓炫彩搖書几金  
桂飄香點筆牀有待石林霜氣肅聽君瑤瑟鼓

清商

送太守文君赴溫州

幾年南國事攻駒一日榮乘五馬車管轄文移

先到海登臨時刻尚留滁同官燁燁多新契行  
李蕭蕭只舊書萬里壯圖應有待清霜纔入鬢  
毛初

郝侍御作餞惠山

曉入青山十里遙夜分晴雪未經消身徯午火  
猶生粟面拂春醅稍帶潮苔石句留泉上刻竹  
爐香沸水間察豸冠鄉曲情如海不柰東風促  
畫橈

立秋前五日南山晚歸涉溪作

草岼涼風透葛衣涉溪標淺傍魚磯霞明遠襯  
丹山出月上時驚白鷺飛村女井邊提甕汲農  
人谷口荷鋤歸山家屈指秋將近不道炎官不  
解圍

病起

卧病經旬久開窗思有餘不知秋幾許黃葉滿  
庭除

題李世賢太史扇

浦上南風急漁舟破浪還不知離岼遠時見樹

歷代詩選  
頭山

晚次良鄉

晚宿良鄉館離家第一程便應今夕夢南北兩  
關情

荏平道中

落日荏平道孤村未掩關望中青隱隱人說是  
陶山

不寐

千載逍遙堂獨卧愁不語北風吹竹林一夜響

寒雨

題畫冊小景

灑灑澗中泉依依道傍柳塔院午鐘聲隨風出  
山口

潮閣晨鐘

隱隱青蓮居鯨音斷復續幽人驚起遲林光動  
朝旭

荷塘曉色

池亭踏露入冉冉聞幽香方塘水如鏡照見芙

歷代詩選

月星記

次集卷四八

五三

合



歷代詩選 明和克勤 卷三  
蓉妝

題小景雜畫

綠樹蕭然蔭草亭酒船安坐蓼花汀  
分明一夜溪頭雨洗出春山數點青

小亭斜枕石溪濱長夏空山草木薰  
風雨忽來歸去晚櫓聲搖碎一川雲

送克儉克寬翁省覲南京

江流不盡弟兄情此日那堪送汝行  
一片離魂收不住夜來先到石頭城

揚柳青青葉尚稀贈行空有淚沾衣  
他時何處添離恨水國秋風一雁飛

梅溪釣艇

雙槳悠悠出岍沙釣魚人在水西涯  
隔溪殘雪春猶淺時見寒梅一樹花

題牛次韻

已銷金甲事春農無復全齊火戰功  
惟有牧兒相伴在一山挑樹半溪風

題小景畫

歷代詩選

月呈克勤

次集卷四八

五十四

合

亂石溪聲到處聞  
疎林山色望中分  
幽人已逐移文去  
閒却茅亭一段雲

偶成

細竹編籬護老槎  
石盆新水淨無沙  
繁枝嫩葉青如剪  
時見茶蘼放一花

入東平山中古墳以百十數殘碑斷礫多

年月可識

山過東阿兩路分  
草中無限昔人墳  
等閑忘却征驂苦  
貪看殘碑到夕曛

夜次兗州寄安丘王府教授鄒鈍夫

半生交契說鄒陽  
年少才名獨擅場  
誰意鬼園今白首  
只將詞賦動梁王

○途次偶成

寸寸田塍接欄阿  
一叢茅屋枕坡陀  
馬蹄已近江南路  
漸覺人家水竹多

○早發滁陽戲題

夜到滁陽只因眠  
去時纔及五更天  
匆匆論德人應笑  
何不來嘗庶子泉

歷代詩選 明和克勤 五  
過叢山關入績溪界巧溪橋

江南江北路迢迢馬上朱顏漸覺凋今日故鄉  
初入眼叢山關下巧溪橋

夜宿綿溪

屈指離家又一程篷窗欹枕夢難成無端水郭  
停舟處半夜灘聲似雨聲

瓊花

貪看江都第一春龍舟元不爲東巡閒花亦自  
能傾國何況當時解語人

題于文遠山水小景

望中疑是富登山只欠危亭着樹間記得摩崖  
看石篆小舟曾泊相湖灣

題無錫華文吉便面圖詩後

當時交結滿清朝離合難禁歲月遙重續舊題  
無限思一燈殘雨宿長橋

題唐馬

青青苜蓿長初齊十二天關望不迷楊柳一株  
沙苑道奚官來試驕霜蹄

題畫爲鄭府典寶淳安應君賦

白雁悠悠水滿塘  
柳陰蘆葉似人長  
披圖髣髴清溪上  
斜日漁村駐野航

題畫送敏聰弟還河南

西風吹徹桂花秋  
欲去珍禽不自由  
無限人間離別意  
海天明月照高樓

起亭圖爲顧謙作

芸香吹滿讀書亭  
不爲時名困一經  
亭下種松今幾載  
長梢將見拂雲青

松月圖爲陳高士題

綠釵搖影見分毫  
露下空庭月正高  
禮罷夜壇頻側耳  
一天涼籟洗秋濤

玄武湖

梁陳遺跡久消磨  
分派都成太掖波  
此日承平人更樂  
夕陽洲上采蓮歌

題雜畫

平原空笑弋人勞  
山水青葱護錦毛  
何處晚風堪顧影  
石泉澄徹見秋毫

巳酉六月二日初至南山

泱泱溪流淺帶村層層山色翠當門水邊林下  
青莎地今日重來試履痕

八月五日與程思正醉步溪上

路分青草曲如蛇五里清浮直更斜晚磬忽從  
林外出梵宮應被白雲遮

七日與浯村大叟諸眷家別

親戚情深別醞濃籃輿搖兀兩三峰酒醒已過  
扶車嶺猶問前山第幾重

約汪仲溫過南山

春遶南山花正開一樽專待可人來不辭共作  
尋芳客預遣樵青掃徑苔

二月廿八日呂侍御惠新曆

春風疑不到山城兩月陰無幾日晴玉曆初分  
試披簡已驚時節近清明

歸路

盡日長松亂石間不知身帶夕陽還耳邊何用  
閒絲竹一路溪聲送出山

陸弋詩選

月呈乞力

次集卷四八

五八

江

與謝子期閒步至北山莊作

與客尋源過石梁水車遙認北山莊鷗邊一陣  
東風起吹落桐花滿澗香

四月六日遊水西喚渡時太愚都綱騎馬  
徑涉意氣甚都戲作一絕

與客呼舟立水涯小童輕楫下灘遲他時有約  
來山寺只問支郎借馬騎

愚樂菴爲傳曰川太史乃尊題

不辭提瓮灌山畦繞屋江聲似冉溪却笑永州

顛頓客壺觴終日歎羈棲

石倉十二代詩選

明次集卷四十八終





國家圖書館, NATIONAL CENTRAL LIBRARY, TAIWAN, R.O.C.

歷代詩選

明和苑集

五

石倉十二代詩選

明次集卷四十九

見素齋集

大明

莆田林俊著  
後學曹學佺閱

齋居聽雨

大明謹歲事稱禮王正月回颺清路塵象緯羅  
 天闕苾芬萃精意玄袞嚴對越真機連化元休  
 微感飄忽簷牙動陰翳月色歛已沒輕沫弄霏  
 微寒聲聳毛髮及辰天氣佳披衣坐清樾豐登  
 諒其兆素抱開結悒獨往候東蓄浸淫土膏發





擬古用蘇韋州韻

出門有所適驅車長林端  
蒺藜翳古道登陟阻  
且艱綠陰下啼鳥夕陽在空山  
有酒不得將芳  
賞良獨難抱飢坐孤石  
流雲渺無迹谷泉遞暗  
聲荔逕稍棲息緬懷千古心  
僅此一閒易廻策  
情人語虛堂海月白

送李卿式入覲

林葉下策策馬鳴風蕭蕭  
去住各耿耿水樹天  
迢迢霜前感候雁欲寄書  
仍遙大明麗日月瑞

靄瀾紫霄敷納虞周際  
萬國今四朝君行爲民  
告靡敝曾自聃怨結化爲  
疹疫氣流未銷入春  
早無麥螟賊傷我苗登場  
穀翔涌雞犬村寂寥  
蠲租望漢詔延頸心搖搖  
君行幸毋遲君歸幸  
毋緩待哺衆嗷嗷腸枵日  
不短

送葉東瀛

漠漠庄前雲齒齒松下石林  
父有好懷雨晚水  
亦碧出懶動私慰掃軌復誰  
客邇從天上來會  
有畱司役聚首那得知解衣  
話疇昔荔熟正滿

眼照我青霞宅別譜符前聞摘嘗經累百色香  
特高品風味良自得他日江南人此景徒夢索

孚齋

藻繪徒自營大樸日以遠譬之東逝波一去不  
顧返中虛抱靜念所嗟歲月晚良人事遠征風  
水日繾綣魚龍爲之馴廣川怙而穩至音諒斯  
世周行有歆坂迴棹湘江潛幽芳彌九畹

南莊別墅

塵事日窈冥鳧山趣還好漁歌錯昏晝沙石淨

如掃舫舟散素襟文字時探討寢迹衡茅下生  
計亦草草愧乏東平瓜獨有安邑棗開春理薄  
田卽事起常早寨樓村煙夕滄海白浩浩好爵  
不自縈名聲此中老

送曹時中僉憲

步步陟峯岑攝衣就林樾盈盈汀上草灼灼方  
花月感念意中人駕言向天關供帳雜觴壘歡  
愛情靡竭餘酣發清曠英風竦毛髮雙輪過目  
烏晴陰變飄忽舊倚失蒹葭蘭軒坐孤突寒芳

歷代詩選 明初行用 三  
信所紉芬菲竟奚物前程諒爾多維車待明發

### 大雷雨晚晴

拘繫敝塵埃廻輻息余生東軒翳夕景拄策經  
丘行溪葉暗山雨流雲疾卷旌迅雷驚號令神  
斧司天刑木石觸破碎鋒利不可迎褫魄走魍  
魎頗悉幽隱情皇靈布六合清飈馭前征浮陰  
遞消伏奎壁宣文明境寂羣動息新涼鶴鶴鳴  
海樹上素月迥野田禾平石泉滴暗響飛螢來  
去輕留連俯檻欄采采林木榮斗極蓄遐恩居

然葵藿誠蒼生豈不念茲意在躬耕

### 送王憲副之貴陽用東坡韻

羈遊感物候密葉鳴幽蟬江寬葦蒲淨莽蒼浮  
青煙西維銅柱外驛路開叢巔騶從出木杪電  
幟空中懸應接境不暇此行多登仙顧獨困兵  
燹子育須時賢禍賈有均責政平聞醴泉素桐  
落疎響清月夜聯娟別堂悵疇昔醉語風翩翩  
白骨穢荆杞勒功重燕然

### 送陳僉憲用東坡感舊韻

歷不言選 月相行月  
報答重意氣鐘聲別未央玉鞞寒曉月馭踏關  
山長巖巒寫丹碧廨宇清僧房地暄等冬春江  
雨作夏涼壇輿記宿歷歛戲百盤岡深懷亟將  
事倦極中頗忘迹孤時歛怨雞犬幸少康滇俗  
羅熨溷十村九無糧流土恣驅挾殺越干刑章  
治標盍端本君行厲風霜害苗盡稂莠嚼蠟應  
細嘗悠悠千載心臨分爲傾降

東園翫菊用白居易韻

假舟渡淥水步履循東欄懶遊動旬月及至荒

吾園淡淡兩松徑秋高草棘寒惟餘數行菊風  
雨多摧殘疎花間黃白錯莫低垂間細數各星  
布慣看轉雲連埋名舊書蠹文史多拘牽對此  
散幽鬱南山晚悠然登高有成約近頗筋力難  
脫巾漉村酒痛飲聊爲歡霜空木葉落歲晏餘  
芳鮮莫待明年花笑改今年顏

送徐大叅廣賢用謝靈運相送方山韻

幽絃久不調繁響散疎越茲晨抱就君蘭生水  
初發橫藤弄孤操松枝猶曉月瀕村風雨仍芳

意重消歇逃虛出門懶勝賞心恒闕報章倏何  
來達路經此別日高動征輪遠宇衆星葆

遊鼓山用蔡端明林繕部韻

遊走速老大茲山仍面目屏嶂高遙空閒雲宿  
晴麓潮洗石根虛透迤轉深谷窄蹬幕蘿薦眺  
遠翻入屋峰回騶從喧雉驚起叢竹及曠迎百  
醜心境相盪觸煙收海氣澄荒荒動遐矚青筇  
老支醉反面看懸瀑西崦夕陽慳深禽沙際獨  
借榻受松風茶香一緣足

兵書峽

巫峽山西來昂伏知幾變扶輿轉磅礴渾沌開  
生面中擘行懸流晴碧天一線石根互紋摺龕  
竇相貫穿最高壁斗間衣襟橫素練參差綴紅  
雪黃雲覆葱蒨其巔翳叢木深窈兀古殿三竅  
連欽岑殘簡隱約見世傳此兵書異人之所撰  
太始留至今文字磨滅半坤靈護取將赤日下  
雷電吾聞蜀漢地吳魏經百戰趙宋亦後服倖  
囚始郡縣皇明取明昇旋凱不遺箭急峽掌爲

平安流歌禹甸祗今薊溪航下上日百徧誰悲  
蜀道難煙景有餘戀理極亂恒倚黃巾焰微煽  
飛書數上聞宵旰重西眷素翁久收局詔起滇  
行院兵寄老一身支撐出門倦仗劔追昔遊征  
衫淚爲濺辭家日千里許國心一片瀕春雨綿  
密邈峽風良便願言掃妖氛黃石授終卷

題一般春得隱字

淪老負心期撫床弄微軫天空暮雲平歸鳥沒  
欲盡憶別江上春羈懷不可忍北山夜移文叢

桂亦招隱廻輶息余生林卧觀朝槿

長歌行次相如

青青河中蒲晨日露易晞微風動綠葉疑疑搖  
晴暉磨滅時節收容顏驚漸衰玉關消息斷青  
霜雁來歸木落四壁暗飲淚徒辛悲

贈石溪

海樹多白雲晴峰帶寒碧秋日厲且短徙倚懷  
在昔幸酬山鹿性一懶收四益籬落菊花風村  
酤永今夕繾綣情話久僕更燭屢易霜青白雁

歷代詩選 明林待月  
前江湖念孤客

題衆禽圖

雲莊藏老大筆硯閣寒暑容知門外心風煙在  
江激乾坤囿萬物得氣無纖巨地幽草木深羽  
族良地所品局限陶型文章異機杼一雌復一  
雄羣飛各儔侶天寬網羅疎丹碧任容與臨流  
濯其毛飲啄如相語汗滴原上翁卒歲無禾黍

山水圖爲山齋題

林居有奇勝聯馬經溪橋欹曲豈不念猿鳥時  
見招青松夾路徑谷口歸雲樵田磽水泉繡屋  
古風蕭蕭羣峰翳寒日秋氣橫參寥霜鐘僧寺  
近僻悄無紛囂解衣作小憩香茗談前朝

南山霽雪

天低鳥歸盡四野玄雲合零亂花正繁長風起  
蕭颯旦日勢方嚴嶺嶠清可踏玉峰一夜高瑤  
樹開周匝龕竇延白光邃窈斷塞雜更深人語  
悄木綿重孤榻細和少陵篇風味如嚼蠟

雪夜送婁元善分得發字

玉龍戰珠灑清血銀蟾墮地金波滑點綴園林  
一夜花可是東君爲催發丈夫別酒自尋常且  
與對雪行新月紅塵堆裏十年夢暫借餘清洗  
詩骨

木假山

龍顛可合齊青牛願化三島連千洲沙眠水宿  
三千秋溝中之斷非品流神工鬼斧勞瑀鏤嵩  
恒泰華爭長會六丁迎置一納地如驥逢樂價  
殊尤素屏移對清透骨便覺雲氣生功裘草堂

花木有峻命莫與煮鶴充薪樵物聚必散材非  
福胸懷我有真林丘

閒雲歌

素翁汝老不能軍天地化妝爲閒雲閒雲散漫  
無羈束始得野老相朝曛雲庄數椽屋新立墻  
低不禁雲出人酒酣放浪拖雲眠酒醒月小衾  
稠濕日日踏雲雲不嗔造化知汝非忙人故令  
此雲備驅使遊走八極空秋旻低聲問雲汝何  
補大旱蒼生正霖雨西郊之密徒爾爲小製荷



衣覆漁浦

題囊山僧房雲山圖用族祖晉瞻先生韻  
短壑慰老山雲白日山行異山色不應雲白  
又雲青招引山僧漫窺測爲雲截竹開山樓雨  
卷入屋晴簷頭白晝褰眼薄衾枕不與桂玉關  
閒愁飄散祇宜知者道草屐踏雲寬嘯傲鶴髦  
輕吹出洞笙鐵船早鼓橫江棹道人具領西來  
意隨緣數遣山雲至攢眉社會不作難墨池小  
草閒雲記

松鶴篇送鍾鶴侶

我本貞松性雲水鍊高潔君亦海鶴姿風煙鑄  
真骨一鳴一和依我松孤警東閩夢東粵清容  
照秋水鄉心在華髮松子君且殮分飛待明祭  
重來宿我松樹枝露下秋空看明月

九峰書院步西涯韻

別山憶山日八九物情更責相纏糾牽引氛嵐  
几格間謂無非無有非有司徒屢疏始東還夢  
落石城經夏口九峰突兀古來面暮年作伴良

非偶方牀天設玉圍屏朱碧爛熳照雲母樹陰  
四簷不知夏門外古松雙鶴守綠野忙移面漢  
開丈事金章理何取廣原歲杪春一分雨甲煙  
苗未牙紐造化無私亦云漏三數梅花在軒牖  
消息東風泰運來再拜青山重翹首當梅細語  
梅得知并力諸公餘大手步郢惟歌白雪詞和  
陶且酌黃花酒書帙散亂冷不收開畦散望厥  
如斗浪倒風顛此到岼浮鷗立鷺心期久雲庄  
病老亦歸人爲國翻思惜黃老

名勝凡幾

峰月黑神遊公會否

驄馬趨朝爲李國寶侍御作

雲驥霧鬣臺青驄雄姿逸態誰得同傳是渥洼  
舊神種騎來陸海生長風赤驃紫騮少顏色路  
人欲看看不得魑魅無蹤鬼膽寒不重驄才重  
驄德奚官飼秣豈無馬毛物齊來品俱下來鏡  
時懸照夜光連錢直倒酬金價回轡天閑眷遇  
新液池洗刷增精神歷險馳危不自惜畢力萬  
里清埃塵

南山十五勝爲潘孔修題

君不見南山北月林寫影銀綃薄顯謨書閣鎖  
煙霞祗今山水流遺脉又不見南山西雪麓路  
轉睛看迷道人雞犬白雲去夕陽古樹風淒淒  
太寒峰在何許屹立南山最高處小寒西北勢  
盡降振翼兩峰平孤舉鳳山亭亭南山北前此  
坡翁畱勝迹鷹山特出山之東地靈秀毓莊簡  
公滄桑變滅英雄化敗垣斷塹歌樵童清風峽  
大雪嶼月林舊曲今誰和石田禾黍答秋成捧

腹松根時仰卧疊錦溪迴貫月槎石橋春水流  
桃花紫陽素壁題詩處淋漓醉墨翻龍蛇自峽  
之東浮香閣野水荷花傍籬落日長把手話桑  
麻隣里相逢生處樂轆轤短綆窺寒泉眼花亂  
落水底眠橘井神工誰第一丹砂入口疑登仙  
百莖之著不易得谷中似有君平宅極高更上  
望潮臺五湖四海天爲開南山草堂南山下江  
竹江花同清野長風吹出不平鳴不與南山共  
啗啞願出南山雲更化南山雨八荒六合隨飛

龍歸山更結松雲侶

送王德輝還朝

西風息庭樹落月在雙杵攬衣候殘星送別江  
之澣岍楓葉赤天雨霜日出未出江蒼涼黃花  
白酒動春色落霞孤鶩催歸航客子流光一過  
鳥別時轉多會轉少健翮宜凌霄漢間倦身抵  
愛風塵表狀頭學士君不孤千年文氣須人扶  
六朝典籍要秦火此語外激中非迂平生獨得  
言可爲知者道完質變青黃皇風薄麗藻君歸

語伯安浮豔輕一掃商彝周鼎自有真拽以萬  
馬酬千緡聲名太早物所忌未信今人非古人

南樓漫興爲楊孔瞻作

白鶴山盈眼南樓意轉親疎花煙外暝獨樹雨  
中春辭酒醉還妄眠雲間是真浩然今古句清  
灑出風塵

又

素幔晴看捲深杯晚復傳仙風遺石井僧月上  
溪船閣樹酒旗裂盤空鶴翅圓揚雄詩總放誰

歷有言選  
解破中堅

高黎共

崑崙攀絕頂霧雨日廉纖  
天近山低棧厓虛石  
過簷掬泉聊慰渴藉草未傷廉  
苦事微官縛霜  
毛覺漸添

潞江

鬼方良可住草率亦生涯  
竹屋下流水柴門開  
落花閒惟供傲放老不識紛華  
蕭客盤飧簡時  
能薦穀茶

蒲縹驛

草亭動孤酌日歛瘴煙昏  
老屋因風卷清谿帶  
雨潭桴鼓新聲在山甌  
古意存簞門通細火漁  
唱起江村

憂賴

日長了官事倚杖大溪濱  
沙石淨臨水煙花閒  
度春科頭風到竹招手鶴隨人  
茅屋青丘晚漁  
樵感卜隣

沙木和驛

歷代詩選

沙木和驛

次集卷四九

七

九

歷代詩選 卷之四 庚子行月  
犇馳率冗累戍制昂江氛愁逐夢千里春添老  
一分鬼跳當徑入猿響隔山聞霧色津亭古沈  
綿卧夕曛

送汪良夫上舍

客路阻風沙離心逼歲華潮平今夜月梅作去  
年花囊澀書還構天寒猶可賒席珍逢聖主非  
久在煙霞

畫屏啓緒

桑梓連陰地煙花滿畫屏兔絲風欲嫋書帶雨

還青樂事存三逕生涯寄一經草堂窮巷裏無  
負此山靈

題周惟中畫

獨屋低臨岫雙峰半出雲樵蘇非左計泉石有  
餘聞肅客彈冠少看山倚棹分前村許沽酒深  
酌送殘曛

東林用江桂軒韻

初日上蒼涼峰巒接太荒懶雲依鳥徑馴虎卧  
僧廊水碧聰明井燈青慧遠堂禪心秋共寂徙

倚近香牀

溪山樂

水國斷儔侶生涯寄翠微  
菰蒲雙漿出松桂一  
樵歸素雪浸生鬢黃塵不到衣  
枕雲時宴起鷗鷺滿魚磯

送鄭汝華次韻

逐木桃花處斜風燕子時  
醉揮鐵如意擊碎珊瑚枝  
飲散還當局愁閒不入詩  
溪山難此景別後夢相思

送伯望員外

水樹閣炎雨江鄉滯短筵  
秋聲梧落候霜信雁來前  
客路連三月家書又一年  
考堂夜孤夢飛遶白雲邊

題清上人山房

亂松深古寺衰謝白雲期  
生滅慧燈盡晴陰疎磬知  
簷虛江色遠日薄鳥聲遲  
錫杖西來意曹溪亦幾枝

竹

斷靄橫天外青山落水中林稀行野鶴笋熟過  
溪翁索莫無諸事蕭疎又一風炎歊移處薄披  
寫此君同

德化高良寺

肩輿歷風雪偶興愜情遊萬竹深藏寺三山近  
映樓禪心溪月曉宦業野雲秋自悉前征晚貪  
閒爲一畱

題子野畫

夜色秋同淨林居意轉慵庭開一方月風斷隔

溪鐘古樹藏紆徑曉流帶遠峰前身白雲外疎  
散不從龍

石岡樵隱

石壇孤榻靜岡雨一肩遲草接樵時徑雲疎落  
處枝青牛經化日白鶴滯歸期桂樹蒼霞晚長  
風吹鬢絲

題山齋畫

掃軌柴籬靜披荆拄杖來大都無徑入小第爲  
山開海月臨書幌松雲下釣臺滄江起龍卧噴



薄夜風雷

病歎

舊恙秋頻作年深頗厚虞藥爐妻子厭茶話里  
隣疎水棘荒平嶼風茅卷敞廬乘除有前命薄  
累送閒居

又

鍼石功何奏寒邪症轉奇回腸夢中斷老淚枕  
前知掃戶曾今雨防身已後時一燈情外事明  
滅護餘悲

得漢樓

日薄境將暝江空人未還宦情輕故國秋色易  
前山齒髮難藏老林丘不買閒一機酬世外戎  
馬又問關

入秋偶成憶邃菴

疎樹畱殘暑平蕪帶夕曛簷聲初下葉峰影暮  
歸雲野笛隨漁唱遊鳧雜雁羣草莊時看雨相  
憶紫芝薰

又

丞代詩選

月木寺月

次集卷四九

七

一

毒暑流殘焰微涼生晚晴日移南至影雁度北  
來聲草露行秋澹山風作夜清疎稠自時事湘  
簟欲忘情

林塘漫興爲楊孔昭作

林居絕幽僻煙景卽天台徑窄山窮轉窗虛竹  
上開微涼生草樹落日在池臺烏角巾斜岍絺  
衣步紫苔

憶上生寺

秋色重秋巖人情致短緘中峰雲際寺落日烏  
邊帆足澀翻成繭風疎未脫銜石欄坐花月涼  
影動衣衫

靜海寺卽景

海寺春尋到煙霞味轉濃鵲巢寬樹隈鶴食斷  
僧供背日雲根濕連山地耳重閣江樓近在落  
足最高峰

武寧道中

亂雲經積石分路轉盤阿雨樹蒸芝菌煙龕織  
鳶蘿幔坪催院馬落日在漁簑憩息香牀晚僧

鐘意若何

臨滄謾語

立壁行荒蕪臨滄寄此亭舊巢新燕紫夕景早  
苗青撼嶼濤飛雪鏘詩石帶星梅前今短日都  
盡碧山靈

翠亭草堂次韻

鳥寂斷春夢亭虛繫物華山林到城郭雲水會  
人家暝落窗前葉香傳竹外花一區遺世在慰  
老託煙霞

又

右軍傳筆格處士接丰標泉石境難畫耕漁興  
可招杜門消短日飽飯答清朝引鶴西湖路春  
風第二橋

送方宜賢之婺州

海縣多年夢雲庄幾日遊如僧聊共夏爲客動  
經秋歲儉沙田瘠山深草樹稠移風還禮樂弦  
誦變蠻謳

雪後十二韻

歷代詩選

月林寺月

次集卷四九

二十

古

日色欺雲薄歸鴉閱晚晴冰隨寒溜盡花落小  
渠平玉樹含秋思金風挾雨聲郎嬌渾傳粉仙  
渴或餐英室愛表安卧茶憐學士評孤撐山骨  
露蹠蹠馬蹄輕剪勝宜春苑張燈不夜城絮飛  
看欲盡草沒望還生未敢輕溝壑猶能重旆旌  
月將梅共白人與鶴爭清夢破家千里詩成髮  
幾莖剡溪餘興在何日重尋盟

都昌謾述

白髮三千丈許長世緣牽掣又江鄉兩山抱郭

地外勝萬水匯流天混茫宿莽風煙誰步障  
國香火自祠堂東流敢亦蒼生問廊廟先憂祗  
故腸

木齋致仕

疏歸前日已東山今日先生又乞閒三五治臻  
霄漢上百千心切水雲間關河老淚懸憑几文  
武遙心注押班好爲先皇慎眠食仰成天子要  
公還

丁卯二月十一誕日

月不言  
同時何止百壬申蒲柳秋先髮獨銀兩月上命  
歸老疏十年前竊倦遊人枕流木筏鳥雙下席  
草江峰鹿對馴老父巾裳命殺酒大郎今日是  
生辰

又

入手光陰不作忙誕筵今日是江鄉天酬病子  
溪山債春附隣家水石莊獨鶴也須扶我老疎  
花翻自笑人狂麥斜尚少三年卧憑藉風煙作  
主張

初夏晚步次潘孔修

小立湖橋看浙東一川晴映夕霞紅牛羊徑轉  
前山笛漁釣船歸別聚翁沙堰月遲江欲暝雨  
荷風細酒初中鶴還似帶鐘聲早隱隱殘陽在  
遠峰

憶東園初卜

十年決策住江村種藥看書且避煩帶郡四山  
環稼圃通陂一水滙籬門可拋林壑投城府爲  
便春秋拜子孫官久萊公還未富畝餘生計信

須存

訪顧家亭

衰顏得酒變兒童小簇山盤對二翁遠笛江川  
晴樹外斷鴻秋水晚煙中赤松藏老還餘日白  
社投閒自舊風萬竹亭深時一遣不應酬直與  
青桐

城樓

青蓋遙登城上頭疎松晴雨送清秋雲連野色  
天浮樹風度潮聲海入樓島嶼旌旗千隊出市  
散煙火萬家稠滄江歲晚留餘健小立欄干數  
散愁

寄興次東所

信息青丘拄杖來籬門低處趨江開幾畦藥草  
和煙摘一樹梅花倚石栽秋興久虛黃葉塢酒  
狂初上碧雲堆荷衣送老枌榆社月白霜清釣  
艇回

紅鸚鵡用劉禹錫韻

羽毛耀日色頰紅羣品相看百一中秦苑歲深

歷代詩選 明林行月  
言頗洩隴山途杳夢還通雙飛幾及公庭燕獨  
宿終憐子夜風教得誦經成底用一餐終合老  
雕籠

湖堤晚對

葛巾蕭散步蒼苔久客幽懷一笑開山色夕陽  
看更好柳陰啼鳥夢初回閒情偶占鷗邊石鬱  
熱驚聞脚底雷激罷芳泉尚餘興短籬呼月送  
殘杯

地爐紙帳竹奴用東坡韻

煮餅分江不滿餅車聲遶屋夜分明瓊鄉客久  
疑燒桂石鼎心降欲仆旌撥盡寒灰看鳥篆聽  
殘爆竹混鼉更雪堂行酒君臣契帶得春容與  
冷卿

蠻溪十幅謝編連藁席綿衾對靜便梅月自臨  
高士榻瑤花欲賁廣文瓊光搖老鬢星盈眼清  
入吟脾雪滿天夜鶴不鳴秋似洗一龕燈火伴  
孤眠

湘妃面目毀還真隨分山房一亢身乍喜輕便

層不言道  
月林行月  
僭當夕未愁冷煖過倩人春深桃葉關情淺老  
去楊枝屬意新卧不愧衾知節苦陽山無語夜  
相親

雲莊卽景

露葵疎短伏杉雞接葉交柯徑轉迷鶯帶殘聲  
移別樹鷺拖寒影貼平溪潤粘野客雲雙屐春  
動田家雨一犁倦倚夕陽憂歲儉乞燔人滿路  
東西

偕龔元之宿盧龍山月微出敘興

江城疎雨滯歸驂玉洞玄機得飽談秋盡斷厓  
芝易老霜前荒圃菊初酣市喧遙隔簫聲外道  
氣長隨鶴背南散步回廊山寂寂倒聽殘葉下  
寒潭

龍泉古蹟

龍山幾道落岩泉古寺長松鎖夕煙風雨晦冥  
無丈室藤蘿昏黑尚諸天看飛短錫知何日打  
賣殘碑不記年生滅大千還世界白雲滿地故  
依然



遊上生寺次從吾先生韻

杜若塘成刺小舟招提半老記初遊  
庭酣荔雨動奇興寺濕松雲關素秋  
縱浪野情拋仕版同天帝力聽民謳  
少陵近頗緣詩瘦八詠歸慚沈隱侯

文峰書院次韻

太平端合老人龍卧隱城南江上峰  
筆訝草玄高起塚膏因繼畧慣燒松  
花間得句諸兒續月底吹簫二客從  
閉戶著書秋更晚隔溪烟樹夕

陽重

漫書

東郭橋西舊草堂閒雲白鳥共江鄉  
古榕陰重官河雨柔櫓聲清子夜航  
北極有懷天共遠老人無睡漏偏長  
青幃散帙方書滿綠塹開成養病坊

南山草堂

居閒自信未全閒猶有微營在世間  
種得新荷看出水洗來叢竹恐遮山  
萬金難買田園福一

醉從教鬢髮斑隱几南窗坐無事夕陽天外鳥  
飛還

王文濟使楚因憶曹廷輝次韻

寸心葵藿共傾陽笑接皇華此暮觴秋水星槎  
回雁渚白雲書屋卧龍岡吟過楚澤林巒瘦夢  
落吳江橘柚黃欲爲蒼生勞自愛莫教青鏡負  
流光

避暑南山倚韻答汝華

蒺藜古道更蒼苔祇樹青霏近午開寺折松廊  
雙鶴遶月臨雲水一僧陪清冰坐石還談柄白  
社攢眉亦酒杯湖海壯心禪共寂招提猿鳥謾  
須猜

讀唐人錢起詩黃綬罷來多遠客青山何  
處不愁人之句

林園樂事頗相關不換神仙祇一閒荒徑也須  
存白菊愁人元不是青山將雛野鶴飛還舞釀  
蜜僝蜂去却還涼月孤舟自濃睡乘流知下幾

溪灣

唐不詳選 明林有月  
挽王存敬

酒炙空城吊豈知老年心事向妻兒  
遼東間有還丁日河內終無借寇時  
古栢衣冠成石塚生祠香火薦江灘  
滄洲病客登門懶風雨來看墮  
泪碑

題麥斜

林壑心期老未灰盤雲飛磴歷崔嵬  
徑依斗折蘿生合石作門含水迸開  
梵閣眼明天一隘仙龕月冷夢初回  
古梅布滿何人跡鶴引孤山拄

杖來

寄守溪

瀝血深衷重聖顏社時玄鳥故應還  
病誰辟穀收黃石公自焚魚對碧山  
心齊久拋形迹外絲綸今出水雲閒  
三朝海嶽蒙恩地北極江門盡  
夜看

送用敬司徒兼左副都提督雲貴軍務

玉書黃組照征衫伐鼓江風滿布帆  
邦計已符三部望將權重領兩京銜  
上卿文武功宜奏中

夏提封邑豈巖我願邊民私請命天戈惟見掃  
妖攬

遊小東山樂丘次韻

樂丘歸卜翠微間委幘松風晝日閒空谷足音  
聞亦喜斷垣春色過曾關鳥如避俗頻移樹雲  
爲無心更出山一物羊裘吾送老木蘭煙水夢  
重還

次紫厓學士叔亨太僕楊村舟中

複樹交沙截遠流輕風一鳥竟誰舟桃花水滿  
遲明發楊柳村荒記昔遊客路月卿懷共放人  
家星野住初稠塞蓬直北看形勝百二關河遠  
帝州

再乞侍養書懷

卽辰三沐更三薰滿紙平生重上聞天濶正如  
無繫鳥林深容有不歸雲山高月小蘭陂夢鶴  
怨猿驚蕙帳文進止乾坤自情事話長燈影記  
臨分

雪禁體

東筆呵成勢轉堅寒光入幕伴孤眠草窗浙瀝  
亂踈雨茶竈陰沈絕暝燿已辨鵝毛深禦臘不  
煩鷄骨漫占年兔園授簡誰能賦且泛迴風剡  
曲船

秋夜感

亂松深處一燈青絡緯空階響漸停永夜寒聲  
風獵獵半江秋影月亭亭關河水赤途猶梗海  
國雲連鬢易星天地深恩叨俯仰滯留深愧北  
山靈

除夕

歲局周星感舊枰木爐圍守夜三更亦知送臘  
迎正地未盡懷家戀闕情薄伐幾人還上策下  
坡明日是初程擁瑜假寐寒光小江雨隣燈爆  
竹聲

此景

午飽江風抱樹眠如晴如雨峭寒天青燿直下  
取魚鳥白浪橫過沾酒船忘我身輕遊蝶外上  
心春急落花前汀沙盡日鷗羣怪叨住人間是

一年

初秋

忙盡乾坤一歲華  
石榴今子菊將花  
秋江合作鷗羣地  
社日空辭燕子家  
力薄壯心慵看劍  
野清邊喉重聞笳  
廣庭四壁蛩聲冷  
碧落高低到雁斜

再起感懷

重是雲居欠穩眠  
蛻殘凡骨未能仙  
西南文字江山債  
老大風塵大馬年  
絕域孤屯銅柱外  
荒

祠古栢錦官前  
出門二表肝腸在  
刻鵠功疎一惘然

右堦寫懷

露宿官山月轉晴  
山堦老淚寄蒼生  
檄書夜下秋前捷  
野哭時懸枕上聲  
墟落鳶鴉荒骨亂  
石田狐鼠晚蒿平  
經心門井溪來血  
流入瞿塘水尚腥

得漢城

天然樓堞護雲低  
萬壁丹青眼近迷  
兩漢英雄

傷舊事二巴晴雨問前溪入關有約今誰定與  
仲徒多鳥自啼羣穀病餘曾漫夢裹屍瀕老託  
征西

木門歎

木門戎馬又風沙羽檄秋清轉亂麻白日溪橋  
餘虎迹青煙蘿屋幾人家區忙頗恨老相逐運  
劫空驚生有涯好是無心雲共宿忽隨江月上  
歸槎

早春

泰運輸廻屬化工青郊迎氣走村童雪花江上  
猶含北風信梅邊已向東勞酒預占年事外暢  
懷新識鳥聲中頭顱記取芒神道一任春來我  
亦翁

再和前韻

細柳新蒲綠映溪釣舟閒與鷺羣棲覓來野火  
晚煨糞踏碎山雲春拾藜流水不緣催老去飢  
鳥似欲向人啼石牀對月清難夢起步星河又  
轉西

歷代詩選 明本行 卷三  
三遊洞

下蟠蒼壁上丹丘寒薄春衫汗水流老脚徧行  
剛一到昔賢重此已三遊洞深雪乳垂厓滑徑  
轉藤花覆竹幽却憶東坡貴陽寺乾坤雙巧未  
相求

北巖寺

兩川搖兀尚遲妝耳落邊聲結素愁草閣陣旗  
江郭靖雲移仙蓋野堂幽時危拊髀思屠狗日  
短歸心寄飼牛黍竊三朝今老憊驅馳何計足

消憂

○ 到芋原志喜

眼前三日是回程萬死天容脫此生官燭對牀  
翻老淚城笳落耳誤邊聲峽江今度風波隔驛  
使初傳猿鳥驚卧病老臣無氣力勉又雙手賀  
昇平

風木爲康子肅題

遼鶴斷歸期攤書懶拄頰山月冷不眠雨聲戰  
寒葉



閨懷

雁盡值無書  
懸神得先曉  
起步簷  
荀花並夢枝  
間鳥

宮詞

雞聲素月涼  
閒庭引秋扇  
脉脉明鏡前  
君心如妾面

秋齋爲周彥通題

暑伏涼又生  
虫吟葉已故  
壯日苦不常  
翻書落寒蟲

寒碧  
天空絕度鳥  
西崦日斜夕  
簷虛海月孤  
門外江

題畫

獨屋芝草香  
蘅門落松子  
輕舟泛芙蓉  
明月在秋水

孫痴寫雪梅鵲兔

陰風生峭寒  
晴江帶冥漠  
山鳥寂無聲  
天花住還落

見梅

歷代詩選

月林詩月

次集卷四九

廿四

九

病久更清癖江寒猶短槎竹間明數點春是野  
人家

照水梅

月斜窺素影江碧湛幽香裊醉鮫綃薄江妃出  
懶粧

岳陽有懷

岳陽南去是長沙驛畔行吟日未斜昔時蘭蕙  
今何處滿地春風野草花

山家

江上晴煙鎖翠林苔痕滿地落花深柴門候久  
無人見坐對前山理素琴

看梅偶成

消息東風兩月前西湖索莫老逋仙雪篷昨夜  
還扶醉移近梅花一處眠

東園雜興

水綠山青更鳥啼草堂渾似浣花溪西林幾日  
無人到穉筍新生與竹齊

木蘭漁隱

歷代詩選 目錄 卷之四  
綸竿煙水十年前風韻猶存骨已仙愁看木蘭  
溪上月夜深還照木蘭船

夢老母

孤燭長幃夢轉真冷煙殘月重心神寒門委地  
誰芳草又作東風一度春

嗅梅

睡起同雲覆近村北風霏雪晝黃昏石林知得  
梅開未小立微香過水門

題畫

獨木寒泉半已秋蘋風一縷度漁謳野舟天末  
無人受占斷沙邊幾點鷗

題朱淑貞像

花蘂開殘小院秋鑑湖春色水東流垂楊送盡  
鶯鶯老不得同依燕子樓

題楊孔昭小景用韻

老懶無羈生意涼全家十口只漁航水清沙白  
魚蝦少昨夜月明天雨霜

題畫

歷代詩選 明初得月 其  
江上青山伴醉眠山風吹散一江煙白頭浪靜  
蒹葭短三四飛鷗亂酒船

又

小西湖頭步清樾一窩僅補林巒闕獨倚紗窗  
日又斜自了殘經送秋月

寒泉為黃庭守作

金削峰高放暮晴即無塵事耳偏清蒼松短壑  
秋如洗倒踏山橋聽水聲

宮詞

曉星殘月舊相知下直西宮睡起遲簾外風情  
看得見一雙春鳥在花枝

題畫

人境從偏未隔塵谿堂小結自藏身閒雲野鶴  
傳來信如許青山欲托隣



石倉十二代詩選

明次集卷四十九

終

歷代詩選

月水詩月

次集卷四九

十二

古



國家圖書館, NATIONAL CENTRAL LIBRARY, TAIWAN, R.O.C

房  
什  
言  
送

明  
木  
行  
用

卷  
一

大  
學  
四  
十  
五

石倉十二代詩選

明次集卷之五

震澤集

大明

吳縣王

整著

後學曹學佺閱

玉泉亭

燕山自西來連峰劃中絕有泉出其間終古流  
 不歇石縫漱潺湲螭頭瀉幽咽羅注粲成簾激  
 射噴爲雪怒聲亦砰鏘靜性終昭晰肺腸藉洗  
 湔毛髮歸瑩澈珠體碎復圓玉流方似折緬懷  
 六龍來坐覺萬象別天光借澄明日影增蕩滴



歷代詩選 明三才  
幡幢亂山椒，貔貅徧林樾。誰知百年後，尚覩孤  
亭艱。悠悠彼漁竿，盈盈者仙襪。不忍向唾洩，胡  
能斯厲揭。虎跑真浪傳，杓突差可啜。醉破劉伶  
醒，病失相如渴。衛公遞莫通，陸子評久缺。何當  
携一罌，歸洗人間熱。

匏菴和樂天五十八歸來因同賦

五十八歸來于我似差速，其如迂懶性。世事昧  
五六，多病况早衰。鬚髮失舊綠，辭家今幾年。但  
視庭前木，寸根手自栽。今已如立竹，從公歸去

今家住湖山足

京口別秉之弟

相送不知遠，直到江頭住。遙遙一片心，隨我江  
北去。子心在江北，我心在江南。身心不相謀，日  
夕長酣酣。

宿遷別安隱兄

年年積相思，兄南弟在北。一朝兄北來，弟作江  
歸客。弟北兄復南，草草途中見。見時未交言，船  
開激如箭。

喜雨

無才甘退遺因以靜自適長衢立馬踈深巷來  
轍隔雨餘草木長樹杪梨欲坼煩襟忽然醒如  
饗九鼎食新涼不嫌貧于我亦有獲屏書去不  
觀兀坐面東壁水深蠅欲鳴日入鳥還息爲謝  
揚子雲無玄安取白

除夜

明朝成四十學道得蹉跎世事只如此流光柰  
爾何髮從前日短愁向此時多獨飲屠蘇酒臨

風一浩歌

自都下還吳寄翰林劉景元謝于喬二公  
年

大通橋下水送我到蘇州君心與之同泊泊日  
夜流千山萬山隔不斷天南天北長悠悠長安  
車塵高十丈回首湖山幾興望楓橋忽聽寒山  
鐘却望燕南在天上白玉堂黃金闕君在京華  
我吳越雁飛木落洞庭波雞鳴海色長安月

風琴



天風泛絃絃自鳴案間雲影波紋驚非韶非濩  
非咸英依然誰倡還誰賡不爲音節音節成乃  
知自有無聲聲一洗世上琵琶箏

青山

青山上有一片石我醉欲眠此其席舉眼望天  
蒼蒼色世間何處有此適歌聲不斷雲自飛天  
風飄飄吹我衣山雨欲來還不歸

雲山圖

遠山隱隱半欲沒近山巍巍高獨出近山遠山

出沒間霧歛煙霏雨明滅山南山北殷其雷天  
雨欲來還不來餘暉倒暎半巖赤靈籟中含萬  
壑哀榮迴鳥道榜空去忽有人家傍山住懸崖  
一道玉泉飛小橋歷歷行人度愁心三疊江上  
山世無燕許誰能賦

胡人歸朝歌

兒胡兒女胡女女嫁胡兒娶胡婦惟有老身從  
漢來椎結氍裘作胡語當時從駕土木間匈奴  
驅我不得還朝看鷄兒嶺暮宿木葉山昔聞青

歷代詩選 明王文  
家今始覩幾過蘇卿持節處胡風獵獵胡霜飛  
聽罷胡笳淚如注胡中洵樂漢自親呼韓翁作  
南朝賓款閣不用通事語三十年前我漢人  
對月有懷秉之

當時月出東海頭我居燕南子蘇州燕吳萬里  
同見月兩人不見心悠悠豈知今宵月如舊照  
我兩人同舉酒今照兩人喜昔照兩人悲臨風  
舉酒還問月悲喜惟應有月知月明三五圓又  
缺遂使人間有離別碣石南頭震澤西兩地愁

心還望月欲知乃兄別後何所爲月下杯酒長  
獨持

卽事

忽而晴忽而雨細雨霏霏洗殘暑天意陰晴兩  
不期人事炎涼遽如許黃葉秋林蟬獨語

送鍾欽禮還會稽

會稽山人其姓鍾丹青之外詩仍工若耶溪上  
弄雲水誰將姓字徹九重文華殿前見天子受  
釐三日居齋宮東廂落筆風雨集指盼屢得廻

重瞳重瞳一一分甲乙御筆親書爲第一峰巒  
慘淡李營丘煙雲滅沒王摩詰詔令內府賜麟  
蹠又向邊城落戎籍山人拜舞前致詞草茅何  
幸逢明時金坡玉鎖天上見惜臣老矣無能爲  
鑑湖一曲臣所好細草幽花夢中到勅賜烏紗  
作外臣白石清泉恣游釣雲浩浩江悠悠山人  
去矣誰爲留人生雖云故鄉樂大隱金門亦不  
惡不見東方朔

顧都憲竹間書屋

淮之水去悠悠君家正住淮水頭宅邊不種凡  
草木脩竹森森如立玉年深春雨長兒孫遂使  
長淮比淇澳竹間有屋小如舟積書之多如鄴  
侯手開三徑誰許到惟有二仲時從游我生好  
竹仍好書何年歸去山中居

四月九日與乘之進之過通安橋顧氏因  
偕玄敬登陽山絕頂次日過虎山橋七  
寶泉至靈巖山而還

陽山高哉幾千丈箭缺遙瞻在天上一朝置我

箭缺傍坐覺諸山皆退讓太湖汀滢平於鏡夫  
椒包山近相金山腰鳥道何盤盤十步九折行  
且歎昌黎正逢衡嶽霽太白休歌蜀道難夫差  
悔悟苦不早公孫白骨纏荒草子胥伯嚭兩丘  
墟天地茫茫人易老劃然長嘯來悲風一杯敬  
酌浮丘公何時借我綠玉杖從此拄過扶桑東  
詩成西日下山去回視山椒但煙霧

春波書屋爲屠司寇題

平湖渺渺春波綠榆柳低垂洲渚曲洲旁茅屋

是誰家言是屠公舊書屋屠公致身廊廟裏猶  
有讀書心未已牙籤縹軸置兩頭充棟多還比  
鄴侯湖水平春日晴船頭置書篷底讀吾伊聲  
和滄浪曲

送僧歸洞庭

好古多游寺懷山喜見僧此來成北道好去問  
南能施飯逢溪瀘函經被雨騰誰同西嶼裏竹  
屋夜深燈

歸省過太湖

十年塵土面一洗向清流山與人相見天將水  
共浮落霞漁浦晚斜日橘林秋信美仍吾土如  
何不少留

送孫廷憲訓導之夏邑

好在孫明復臯比夏邑臨春歸孟潞野雲散碣  
山陰梁宋詩書古江淮控帶今睢陽雙廟在爲  
我一追尋

哭遜之振之兄

少小嬉遊熟中年隔絕多兄今長已矣吾此復

如何書至猶疑信悲來欲嘯歌惟餘寸心在歲  
晚諒無他

甘露寺

頗憶登臨勝拏舟復此過呂劉傷斷隴梁刻認  
餘波海霧晴噓蜃江風夜吼鼉孫劉何處問狼  
石卧荒坡

焦山

還將雙鬢白坐眺一峰青江海交流處乾坤着  
此亭山形雄虎勢雨氣挾龍腥四顧皆榛莽難

尋壑鶴銘

夜泊方橋

天暝去程遠、扁舟宿雁沙、風煙漁浦、樹汀水野、人家不識剡溪路、空懷博望槎、隣邦猶蹇澀、况欲走天涯、

金山

大江中峙小峴、嶮勢壓洪濤、幾欲犇萬古、乾坤鎮南北、一方鐘鼓自晨昏、雲低北固山、爭出潮落東洋海、半吞汲得中泠、自煎試月團、新賜出

詞垣

登西馬塢

直上高山望五湖、雲飛盡處是姑蘇、人家隱隱煙中見、帆影依依天際無、俯仰兩間雙短髮、往來千古一蘧廬、仲淹自是多憂者、廊廟江湖恐未殊、

陪夏憲副正夫遊石湖

東風湖上試春衫、樹杪飛橋破石崑、廢宅草深悲往事、斷碑苔沒認餘劖、上方雲影層層塔、震

歷代詩選

月王文集各

次集卷五十

七

合

歷代詩選 卷之三十一  
澤波光隱隱，帆弔古登高興無限。歸途西日在松杉。

三十五初度

人生七十古來少，嗟我如今已半之。來日更添如許久，餘生能得幾多時。功名似鶴長遭退，學問如船逆上遲。萬事悠悠只如此，青山能負白雲期。

遼城懷古

金馬尋涼過遠郊，閒從野叟問前朝。雨摧故壘

逢遺鏃，月暗荒臺夢墮翹。千古河山還王氣，一時胡虜亦天驕。如何宋紀年三百，獨讓周師過尾橋。

送戚時望僉憲之湖廣

逢君未久送君行，十載同年幾日情。平獄舊推于定國，監司新過漢陽城。雁回千里書應寄，春到三湘草自生。收拾楚材歸藥籠，湖南賓客總知名。

李承芳承箕下第以詩投贈酬之

青藜入夜晃秋毫、兩意相求苦不遭、神駿並爲  
千里足、驪黃真誤九方臯、弓亦得君誠達當  
局還迷我亦勞、把酒題詩成一笑、楚天空濶雁  
行高、

○葉文莊公夫人壽詞

文莊老去吾猶及、夢想依稀記尚真、挾策未能  
爲弟子、升堂還得拜夫人、中吳文獻家聲遠、少  
宰丹青貌像親、一曲南飛憑去鶴、西風江上采  
蘋繁

題夏正夫遊石湖虎丘詩卷

石湖煙水虎丘山、上國還從展卷端、高人過作  
十日飲、故事留與他年觀、亦知南國有西子、誰  
爲東山無謝安、更欲相從尋勝處、高崖磨認墨  
痕殘

雨窗詩意

對牀此夜彭城雨、流落千秋伯仲情、燈火五更  
雙夢短、江湖萬里一身輕、吳雲未薄燕鴻冷、薊  
樹初殘越鳥驚、我亦緬懷終鮮恨、西堂獨夜正



歷代詩選  
明三才  
愁生

送同年范以貞還任寧國

不見范侯來已久，忽聞高論尚孱顏。  
榜中漸覺同年少，席上難逢半日閒。  
到任祇嘗寧國水，題詩時對敬亭山。  
謝公遺刻煩收拾，多在荒煙野草間。

姚少師像

下馬摩挲讀古碑，咨詢往事幾人知。  
獨留滿月龕中像，便是凌煙閣上姿。  
頰隱三毛還可識，功

高六出本無奇，一朝社稷歸真主。  
依舊臞然老衲師。

送劉侍講景元使交南

莫辭旌旆拂炎蒸，專對還推賜也能。  
石過鬱林真可載，山高銅柱更須登。  
中朝正朔行無外，絕徼殊妝覩未曾。  
別後玉堂長見夢，富良江上夜深燈。

送呂丕文給事使交南

乾德初升九五爻，使臣頒朔到南交。  
尚方瑞獸

新裁服炎海人魚定入庖歲貢包茅連路側春  
歸行李落梅梢還朝借我南遊錄土俗民風要  
一鈔

送蔡進之還洞庭

夢魂長達太湖邊折柳官亭又一年家世西來  
峰縹緲客心東去水潺湲林間詩社誰爲長吳  
下鄉音我亦便撩亂煙花過寒食東風胥口喚  
行船

○送王允常僉事之廣東

椰葉枕椰五嶺南使君曾此駐帷檐法冠直指  
新峩廌包匭生黎舊貢螭不信鱗魚還作祟只  
應泉水便知廉殊方風土須珍重莫爲溪山久  
滯淹

送馮原孝知揚州

東南佳麗隔江分我昔登臨倚半曛瓜步帆檣  
天末見竹西吹鼓月中聞高名自昔推揚一健  
足他年失冀羣父老要知新太守聰明慈愛漢  
馮君

送建德尹蔣文廣致政還光福

京塵袞袞鬢毛斑，朝奉除書暮乞還。  
三徑已嫌陶令晚，一丘長伴謝公閒。  
仍知建德非吾土，免使移文自北山。  
光福楊梅今正熟，冰盤歸薦鶴頭丹。

陳員外于章分司蕪湖

東風吹浪碧粼粼，君去分司正值春。  
聞說爲關非舊日，追思省試是比隣。  
官曹正對蕪湖好，飲興初嘗采石醇。  
若遇經過頻借問，行船多有洞庭人。

庭人

送張時學知遂安任叔順知定海

五色依然過眼迷，常時文彩映玻璃。  
誰能滅沒空驪壯，又是連蜷賦彩霓。  
七里灘搖江月冷，四明山壓海天低。  
自慚未得爲知己，臨別新詩亦漫題。

贈顧鏞

玉山人去草堂存，及見濠梁幾世孫。  
傾蓋途中成舊識，僑居淮上是清門。  
前朝舊事猶能記，南

國遺風且莫論、莫怪題詩多感慨、曾于名勝集中翻。

宿龍潭驛

崩崖百丈俯驚湍、未到先憂到却安、夜枕江聲宜客夢、午窗山色任人看、欲尋往事空題壁、不廢公程且解鞍、眼底桑田與滄海、人間得失浩漫漫。

舟發龍潭驛

王氣東南日夜浮、畫船簫鼓向神州、山當好處

如曾識、江到平時只似游、兩岍人家從北固、六朝王業付東流、天風莫送征帆急、景物詩家要細收。

秉之送至京口別去有詩和之

隔江相送望蕪城、四海悠悠見汝情、事觸悲歡心易醉、別牽南北夢先驚、日邊莫負看花約、湖上還尋種橘盟、惆悵金山一回首、秋風獨作薊門行。

寄題拱北樓

紫微華蓋擁宸居，拱北樓成勢有餘。  
沽水遶城斜作字，人家濱海半爲漁。  
草間狐鼠收妖氣，天上風雲賀寵除。  
記得泊舟衰草畔，月明槐樹影踈踈。

送吳編脩克溫歸省宜興

玉堂退直幾相從，茗盃薰爐坐晏春。  
遠別芳洲生杜若，清詞秋水出芙蓉。  
交情淡愛周公瑾，宦况輕懷邴曼容。  
問罷起居還就道，涓陽雲樹思重重。

送同年俞副使濬之四川兵備

控帶西南坐上游，安危須共主分憂。  
蜀人到老懷張詠，邊計從前仗武侯。  
地遠烏蠻耕傍早，天高白帝鎮橫秋。  
雪山不見南來雁，書寄同年幾日收。

送李文選惟誠開封岷府

使節南行振玉珂，湘江木落洞庭波。  
漢朝赤土分封遠，楚國青茅入貢多。  
夢渚草長歸眺望，蕪湖家近好經過。  
却嫌選部仍虛席，不得淹留柰

爾何

海月菴觀燈

蓮花深屋賞來曾，蔗盃寒漿渴飲冰。月好自尋燈作伴，雪寒惟許酒爲朋。與同老子復不淺，年與先生自此升。東壁餘光願終照，夜深羸馬慣能乘。

宿樊都尉翠微山莊

攢峰缺處望亭臺，石室金堂爲客開。坐見野雲從地起，卧聞山雨到窗來。秋聲颯沓驚濤洶，暝

色巖從遠壑哀。自笑詩人能好事，連宵抱被宿崔嵬。

宜晚軒

旋鋤荒穢疆名園，小結茅茨便作軒。行處藤枝還自倚，吟餘貝葉亦時翻。閒居未擬潘生賦，知足先師老氏言。長者有車時見過，願聞何處是真源。

送倪尚書之南京

暫携堂印過江東，冢宰權分位望同。畱守地當

分陝重爲官誰在故鄉中家傳舊有尚書履保  
傳新加太子宫半世趨朝今少憩鍾山閒對黑  
頭公

過西洞庭徐氏

早從胥口望龍巖舟入青溪曲曲通一片湖山  
歸手內萬家煙火隔雲中范公憂莫關廊廟楚  
客音還愛土風林屋有田吾欲老那因一水隈  
西東

林屋洞次傳水部韻

隔凡深處禹書存尚有神靈爲守門穴底玉泉  
流作永巖前壁月過留痕燕飛尚驗晴爲雨龍  
戰猶疑數在坤聞說遙遙天漢接胸中雲夢幾  
須吞

金山

石徑纔窮忽又通重重臺閣半浮空一林蒼翠  
瀟湘雨萬頃青黃秣稔風鈴語上方雲氣白詩  
題壞壁蘚痕紅未留玉帶空歸去慚愧山僧問  
長公

歷代詩選 明王文恪  
登萬壽寺佛閣

吳城第一好山川，半醉來登意豁然。天際雲開雙塔影，城頭日出萬家煙。宋朝故老空遺宅，吳下叢林不記年。今日雙鳧同眺望，分明身現宰官前。

送王尚書之南京戶部

重瞳回處識顏卿，計相元知屬老成。執法久推于定國，工詩還許謝宣城。掖門曉色常參語，祖道秋風忽餞行。財賦東南今竭矣，送君回首不

勝情。

海月菴觀燈

新樣驚看出，洱河九華光彩未。云多時逢玉月春，猶淺會在公家歲。獨多雲母障，開星亂點天機文。斷水微波九衢車，馬人人樂不飲其如此。夜何。

奉和屠侍郎元勳謁陵

鬱葱佳氣繞諸陵，玉室金堂見始曾。倦足行驚冰棧滑，瘦肩吟對晚山嶒。月斜殿角東西罄，星



散林間遠近燈抱膝何人發長嘯石門吾欲訪  
孫登

○遊太湖

茫然不省是人間、却有人家住近灣、一處便須  
終日坐、百年能得幾時閒、將開復合雨餘、雨乍  
有、忽無、山外山、安得扁舟如范蠡、行尋七十二  
孱顏

己巳五月東歸

家住東山歸去來、十年波浪與塵埃、頭顱今日

已如許、勲業古人安在哉、滄海巨帆晴望濟、長  
途疲馬早思回、閒非閒是俱拋却、濯足滄浪坐  
釣臺

宿堯峰寺

堯峰自在諸天上、半醉來登不用扶、思入湖天  
同浩蕩、望窮雲樹轉模糊、五更客夢侵雲冷、一  
片禪心對月孤、自是世緣猶未了、幾時同此結  
跏趺

宿華嚴寺

歸來每向招提宿心若閒雲着處安已到山家  
無去住偶聞塵世有悲歡煙霞自可通禪觀草  
木還應識宰官少小來遊今白髮幾迴臨去重  
盤桓

訪元德

樓臺疊疊路重重家住橫山第幾峰半壑夕陽  
垂橘柚五湖煙水浸芙蓉神仙未覺三山遠榮  
貴甘辭萬戶封返棹匆匆重回首白雲天際杳  
難從

越來溪懷古

吳國江山亦壯哉一朝誰信越兵來旌旗尚動  
春波影歌舞翻成子夜哀往事悠悠餘敗壘傷  
心脉脉自登臺姑蘇麋鹿何須恨聞道阿房也  
作灰

○過黃墅沈氏阻風望洞庭甚近而不能至  
茅堂宛在碧山腰山下行人不受招梁作虹蜺  
應可渡水如衣帶却成遙清風入夜生蘋末細  
雨扶春上柳條不是休文能醉我平生磊塊仗

誰澆

和錢元抑投贈

虞人雅自重齊旌小奏由來止一成蕙帳久孤  
黃鶴怨蓼灘先赴白鷗盟春山丐竹眠思蔭曉  
井擔泉汲愛清舊日著書今亦懶聊從靜裏息  
餘生

訪徐季子于瓜涇

太湖東轉碧溪斜來訪南州孺子家  
博學不嫌樊氏稼閒情兼理邵平瓜  
畫船載酒人如玉醉

筆題詩墨似雅好約年年爲此會前村踏雪看  
梅花

遊天池和仲山韻

小輿詰屈穿雲岑愛此巖從萬石林廻溪側挂  
松樹老絕嶂半染蓮花深尋幽偶值此日暇訪  
古正愜平生心天池小立戒歸去夜來風雨聞  
龍吟

徵明飲怡老園有詩次其韻

吳王銷夏有殘圍特起幽亭據要津  
剡水繞時

傷往事危檣缺處見行人綠楊動影魚吹日紅  
藥畱香蝶護春爲問午橋閒相國自拜劉白更  
誰親

靈巖山

天末遙瞻塔影層今朝携酒試同登吳中信是  
佳山水人世依然感廢興草蒲琴堂微有字鳥  
啼禪院寂無僧懸崖斧鑿紛如雪何處題詩記  
我曾

畱別王濬之和文定公韻

小隱何年荻扁來陽城湖畔草堂開團蒲幽  
凝香寢町唾芳畦瘦石臺雪蒲山陰王子至  
斜淙上醉翁回銅餅早漏春消息欲取寒香入  
酒杯

贈仲山

東風漠漠動江籬夾浦橋邊二月時花外小車  
來每早竹西高閣卧偏遲山橫爽氣閒支笏  
按新腔自補詞聞有還丹須乞與市中誰者是  
安期

與宜興邵天錫小飲象鼻嶺

漠漠輕陰雨復晴，晴時還不廢郊行。  
因依石几嵐侵座，醉吸湖波灩入觥。  
小圃芳畦春事熟，落霞孤鶩暮山橫。  
何如罨畫溪邊路，共坐蘭舟蕩月明。

與謝憲副德溫遊陽山箭缺至半山寺而

止

箭缺撓天知幾重，半山聊復憩吾慵。  
孤臣何處埋幽憤，高閣閒來坐晏春。  
深院潺湲鳴劔飾，懸崖

砢磳偃長松，迴船又過楓橋去。  
卧聽寒山寺裏鐘。

將遊毛公壇宿包山寺明日雨不克往

毛公已去有仙壇，眼見亭臺欲到難。  
翠壑蒼厓增恟恍，玉芝瑤草長闌干。  
洞無金鑰誰能闢，井有靈砂尚可飡。  
傳語仙翁莫終弃，當時雞犬從劉安。

次師陳西干草堂韻

晏子家居不厭囂，年來市價識偏饒。  
窗禽曉下

窺書案、閉柳時、過刺酒、撓剩水、尚紆吳子國、小  
山寧受越人招、紅闌綠浪姑蘇境、寶帶西來第  
幾橋、

○得孫喜而有作

七十年來孫始見、啼聲一聽便開眉、家藏萬卷  
真堪託、庭植三槐宿所期、膝上久拚文、若坐目  
前聊慰右軍思、三朝袍笏吾無用、付汝他年佐  
盛時、

野航

野航誰謂卜、恰受野人身、披衣欲何向、五湖煙  
水濱、

贈朱相之分司蕪湖

蕪湖小院駐皇華、江上青山正對衙、此地知君  
非久住、庭前石竹爲誰花、

至徐州口占

日日拖舟茫蒼間、荒郊四顧但榛菅、朝來雨歇  
篷窗外、正見徐州一帶山、

飲陳以嚴領孫堂

雲母屏深燭影斜，德星還聚太丘家。庭前玉樹  
森森立池上，超宗敢漫誇。

夜過西虹橋

破楚橋邊步偶停，夜船燈火散如星。館娃歌舞  
今何處，留得吳歌與客聽。

過長江

微風細浪平如席，金山焦山纔只尺。羣山簇簇  
天際浮，點染長江好顏色。

明月灣石板

巨石陂陀板樣平，三山當面看雲生。何當子夜  
重來此，濯足滄浪對月明。

野人獻菊碧色，每叢作雙鳥。金立名鴛鴦，  
菊爲之賦詩。

枝頭兩兩立東西，知是鴛鴦不獨栖。一種貞心  
誰得侶，廬江小吏仲卿妻。

次林見素中丞見寄之韻

山林滋味老尤長，肯羨裴家翠錦坊。却羨雲莊  
千顆玉，炎風五月擘紅香。

二月真適園梅花盛開

萬株香雪立春風背倚斜陽暈酒紅把酒花間  
花莫笑風光還屬白頭翁

又

春來何處能奇絕金谷梁園俱漫說誰信吾家  
五畝園解貯千株萬株雪

朱半山輓詞

晚從秦晉結葭莩紹也他年可不孤回首玉山  
人去遠夷亭斜日雨踈踈

又

幾迴折簡荷招要八月西風看弄潮今日稽山  
無賀老畫船空指半山橋

石倉十二代詩選

明次集卷之五十





國家圖書館, NATIONAL CENTRAL LIBRARY, TAIWAN, R.O.C.

歷代詩選  
卷之三

石倉十二代詩選

明次集卷五十一

括囊稿

大明

長洲文 洪著

後學曹學佺閱

對菊

蓐收肅霜威草木咸凋瘁  
睠茲東籬叢孤芳可人意  
迎風散竒芬浥露含幽思  
吾生抱孤僻茲焉獨云契  
醉誦離騷經閒咏柴桑句  
外慕苟不羈蕭然有真味

三荒徑

歷代詩選 明文公九  
種竹浦東原清陰接隣壤三逕未全荒秋風吹  
灌莽不容車馬過幽人自來往

常關門

青苔滿蘿逕白雲護雙扉非關習性懶地偏人  
迹稀春風翠簾捲惟有燕來歸

西疇舍

綠野佳雨霽芳條青鳥鳴東作念良日西疇課  
農耕丘園無俗事隴畝有閒情

棹舟溪

清谿不可唾時時載輕舟鮮飈漾文裾弱彘依  
寒流禽魚共翔泳日晚更夷猶

窈窕谿

平生謝幼輿寄情在一壑豈無治世才不易閒  
居樂酒醒山月高松風自迴薄

宛轉歌

宛轉復宛轉宛轉情無斷郎情似車輪妾情似  
香篆車停輪亦歇香盡篆亦滅郎情與妾情宛  
轉何時輟

友人陳君竹圃

主人自種千頭竹，手洗長竿結爲屋。層層蒼翠作深幃，瑟瑟清風響寒玉。湘雲一片蔽晴空，卓午猶疑未晨旭。炎炎赤日燒空時，涼陰四布無纖燠。也知高興比王猷，終日臨軒面晴綠。

村墅雜咏

春雨朝初霽，居南似錦沙。野猿窺落果，林蝶戀殘花。引水斜穿沼，編籬密護家。何憑消永日，歆枕讀南華。

其二

納涼開北牖，防雨覆西垣。自得翻書趣，渾忘對客言。徑陰螻蟻集，林暝鶉鳩喧。分得清溪水，時時灌藥園。

其三

楊柳津亭北，幽軒瞰碧波。綠鋪雲葉足，紅落雨花多。載鶴湖中放，看猿澗底過。有時携短策，松下聽山歌。

畫景

歷代詩選

明文公九

次集卷五一

三

四

尺素山千頃，雲多路更深。人行巢鶴磴，寺接掛猿林。雨過朝添澗，霞生晚護岑。江南舊風景，時得畫中尋。

出白土

晨興卽長路，曙色喜初分。白土家家店，青山處處墳。虎踪當路見，雞唱隔林聞。遊子心中事，悠然嶺上雲。

書燈

小小銀缸短短檠，紙屏風定煖浮馨。春花一穗

吐金粟，秋水半泓涵。素星致用不宜筵，上舞崇功應廢案。頭螢他年肯作墻根棄，傳與兒曹照一經。

北行道中述懷

獨携憔悴上京華，行李三千北望賒。親老悞將身許國，歲殘時有夢還家。聲催落木風添信，陰結層空雪弄花。客緒慙慙排不得，坐籠紗帽自煎茶。

高郵湖

參差城郭是高郵望望平湖不盡頭初日蒼涼  
波底湧閒雲零亂水心浮平分煙樹藏村塢金  
立鷓鴣傍釣舟一笑乘風馳百里片帆回首失  
揚州

自君之出矣

自君之出矣鸞鏡護常深留待君歸日持將照  
妾心

阻雨

偶尋君至得身閒十載情悰一笑間天意不教

人劇別斜風吹雨暗前山

宿遷夜行

雲籠新月映青霄坐啓孤篷促去橈積雪滿川  
風色緊旅懷添得是今宵

漁歌

斜陽詩思繞寒汀何處秋風欵乃聲水渺蒹葭  
情不極錦溪橋下白煙生

文林

字宗儒  
洪長子

冬日感興

落木園林空方池水深碧物色垂澹蕩寂然屏  
人跡杖藜撫孤松箕踞松下石西山入懷青寒  
鳥歛歸翮浩浩宇宙間流光日相迫大化豈有  
終初陽潛地脉

永嘉縣齋寫懷

墨綬垂青絲銅符寵郎秩駕言謝班行出領滄  
海邑脉脉辭親知依依去鄉國溯行共千里已  
在東南僻地遠形勢殊年貧正艱食自顧書生  
愚疇堪付休戚流移已懷慚征歛况余職平生  
跌宕懷雅志山水適及此東嘉遊清真信靈域  
豈無康樂情坐有民社責歛板事承迎鈎稽困  
文籍拂意不能歸自慚陶彭澤

答沈啓南

天運有盈虛人苦不自足已登九列階仍顧千  
鐘祿黃鵠豈不高中路將焉宿所以柴桑翁無  
心適華屋瀚海辭風波郊居夢花竹歛余百年  
身及此未危辱愧君先機言一紙百過讀

家居小樓會客分得足字

宦遊本夙好，負疴厭馳逐。龜勉歸故園，勸鳥今止宿。朋舊月一飲，值我會再續。摘蔬夜猶鮮，漉酒冬已熟。薄言讌樓居，飽豈在梁肉。白雲墮書几，鳴鳩隔林屋。過雨阻新暑，首夏氣清淑。及茲風日佳，泥飲勿辭足。

首夏齋居卽事

幽齋坐織雨，綠樹繚周垣。青山在屋上，好鳥如晤言。一官居野寺，性本愛丘園。松花飽日食，沆瀣供朝飧。遊神羲皇上，形槁心獨存。緇塵暗岐

路吾方掩柴門

與二弟汎舟遊吳氏東莊因寄匏菴

緣城畛流水，榆柳綠陰門。艤舟信登陟，忽得吳公園。小亭面高岡，蘿徑隱可捫。青山出墻頭，白雲宿籬根。歌鶯滯池曲，遊魚戲波渾。繁景當首夏，過雨氣微溫。老我獨已樂，偕有弟與昆。清唱散林木，起行歷郊原。日斜亂人影，眷戀忘歸轅。水木余夙好，况茲故情敦。主人方宦達，樂事誰與論。室邇人則遐，相思黯銷魂。出處各有會，一



笑傾餘樽

七里隆

青山慊吾意舟子莫余違言茲隆中遊兀坐敞  
舷扉須臾來萬狀雲水鎮依依儼居方池中四  
面單翠幃偃仰斷且續高下墮還飛挿天蔽星  
斗伏地堪漁磯平平羅几案整整列鼓旗大將  
坐橫劔萬馬紛而馳呀然散不收忽合如長圍  
如行圖書中而罔筆墨畦平生跌宕懷老大丘  
壑姿不圖行役地乃與勝境期惜哉南北人安  
得久于斯

聞温州之命東啓南

野人安隴畝方春亟農工誰傳一尺詔置我樊  
籠中緬懷漢四皓亦有楚兩龔斯人咸肆志衰  
病顧登庸聖君豈不憐萬里誰爲通新詩特勸  
駕慚愧石田翁

傅平春半述懷

土城半頽人十戶月出無煙望多樹樹枯自念  
天正寒雪消忽計春將暮却憐青帝亦世情可

歷代詩選 明文宗 卷五十一  
柰東風不相顧野老立庭言貌古漫呼爾汝忘  
官府府牒聯翩呵不辨從吏木僵心益苦真性  
不揖督郵怒獨抱瑤琴調鶴舞平生肯落塵網  
率居然朗誦逍遙篇天地造化一鑪冶萬物銷  
鑄猶銅鉛嫫母施朱西子醜松柏黧澹桃李鮮  
浮雲富貴聊爾耳被酒北窗高枕眠不能作書  
上宰相不能內徙如登僊不能飽和淵明詩不  
能遺愛受一錢簿書往復祇押字官舍闐寂如  
逃禪飢民且勿向我泣我不謀遷歛爾急今年

休怨役不均新來縣官難處分

張憲副山水障子

山高出雲在平地千村萬落連春水乾坤氤氳  
元氣濕江湖滿地流瀾瀾模糊雜樹綠滿眼毫  
末閒花紅半壘忽見芳洲草灤間微露樓臺煙  
雨裏山家茅屋畫不關背喧高閣深崖間山人  
對奕長不語客載小舟何時還斜橋引出瀼西  
路欹岍直抵涇南渡開圖慌入洞庭遊又似天  
台靈隱去耳邊泊泊聞溪聲堂上真疑結嵐霧

蓬萊閬苑想在此青鞋布襪宜相顧試問神仙  
結遊伴却我冠裳塵土滿幾時置我圖畫中還  
似神仙更蕭散

留別滄州先生

東去清風滿溯帆東甌更在溯東南班行已失  
羣公隊陋巷猶停長者驂中外于人何可擇卑  
微在我本來甘平生學道求無愧此去親民况  
所躑踈遠漸勞京國夢睽離偏惜故人談時名  
有忌愁多取宦業如禪且靜叅縣僻還聞山水

勝地連粗喜土風諳遙應到日思君地秋水凝  
神月滿潭

入雁蕩

山深斷車馬雞犬亦蕭疎澗道散蒼莽峰巒翊  
紫虛板援絕鳥道宛轉得僧廬不覺凌絕頂身  
寒雲滿裾

泰安靈巖寺

足馬強支持長途入翠微山高日初上秋老樹  
還稀門外一溪隔林中孤衲依虛堂雲卧冷似

醉未能歸

永嘉縣齋懷沈石田

自古清暉地分官得永嘉秋深熱後雨霜薄樹  
猶花到海江流盡帶山城郭斜乘船看脩竹疑  
是到君家

宿青陽驛

市冷人家靜途長客思增夜潮舟浸月寒渡水  
流水破驛沈高岍疎林見遠燈空囊寒食近瀚  
海一浮僧

濟寧

客棹一身渺歸程千里多寒雲挾疎雨秋水逝  
洪波亭界短長道泉分南北河醉醒蓬底坐何  
處起漁歌

靜海驛

深夜驛途靜長河瀚海通舟明沈水月燈暗落  
潮風暝色浮煙外春光欲雨中年年苦行役踪  
跡任飄蓬

對飲

歷代詩選

明文宗需

次集卷五一

十一

八

行厨薄羅列僚友共徘徊心豁溪山淨酒酣風  
雨來長林孤鳥沒近寺一僧回倚杖看城市黃  
埃漫作堆

京口公館東楊應寧

清明寂依舊旅館正思君春色計半去江聲來  
獨聞畏寒猶宿火移坐盼斜曛咫尺睽離地悠  
悠隔暮雲

金華道中憶君謙

遠別輕千里經行歷萬山思君終夕坐出守幾

時還隄柳吹花盡溪雲過雨閒南峰著書處夢  
裏更躋攀

喜桑民懌至自吳門

奔走卑官歲再更江湖偏重別離情逢君怒罵  
爲知己顧我摧頽負此生細雨燈花銷午夜青  
山詩思繞孤城自慚不是臨邛令潦倒安能重  
長卿

歲暮客錢塘邦彥徵君以詩招飲席間因

次其韻

隱君瀟灑有高齋，徑造何煩折簡催。雪砌宜人寒不掃，溪門待客夜還開。離離燈火分春色，奕奕梅花照酒杯。笑殺山陰王長史，不逢安道爲誰來。

### 醉翁亭

翼翼丘亭倚礪濱，亭前草樹澗前雲。西南正據瑯琊勝，今古難追六一文。客散依然禽鳥樂，山空獨有水泉聞。蒼頭白髮聊能醉，不是當時舊使君。

### 答杜言符兼謝贈畫

老淹牧圉敢言清，祗覺驅馳負此生。流水宦情秋澹薄，碧山歸夢夜分明。從前交誼誰能重，眼底才名子不輕。珍重新圖先到我，淡煙疎樹不勝情。

### 寺中春

野寺沈深門半扃，午窗慵起晚風輕。雲開半壁夕陽出，花落一庭春草生。鳥掠池中得魚去，鶴歸雲外傍僧行。馬曹散吏真如隱，咫尺山田帶

雨耕

舟行與沈良臣相失

別我天津買畫船，暮雲橫射夕陽穿。坐因有約常虛左，行爲無心誤向前。新雁叫空秋思集，短篷驚雨夜燈懸。逢君夢裏分明語，猶滯垂楊古渡邊。

乙卯初度

五十一年真醉夢，百年萬事亦空花。江湖况味閒偏勝，桑梓情懷老漸嘉。白髮于人無假借，青山還我作生涯。不堪潦倒逢初度，倦倚長林數夕鴉。

停雲館初成

林西隙地舊生涯，小室幽軒次第加。久矣青山終老願，居然白板野人家。百錢湖上輪奇石，四季牆根樹雜花。儘有功名都置卻，酒杯詩卷送年華。

寄徵明

種菊庭中花有無，小山松竹近何如。痴拋獨樂

了公事悔拾浮名別故廬伏臘正懸歸老計經  
秋不得寄來書眼昏頭白今如許料理而翁正  
在渠

答迓

父老欣欣向我親爭看當日宰官身依然平昔  
丹心在只比從前白髮新行歷舊遊傷往事不  
忘遺愛愧斯民春風二十年間夢却笑今來更  
任真

雁蕩

肩輿倒輓百丈強鳥道斗絕緣青蒼風撩瀑布  
雨噴面天墮石梯雲滿裳谷中雞鳴萬籟寂澗  
底花發千巖香自慚凡骨不可住落日悵望仙  
人鄉

自遣

從知假面類西涼未得逃名學楚狂坐受臺評  
非過論行應老子避新郎心懸魏闕雲霄迥夢  
落吳松煙水長細數不堪何止七疆顏一出愧  
嵇康



博平春日

東風淡淡釀輕寒九十光陰已半殘  
記得故鄉今上巳畫船簫鼓薦春盤

借居龍泉庵

冷官門戶可張羅曲徑春深長薜蘿  
不道夜來風雨惡松陰滿地落花多

寄石田

秋風聞雁思無聊故國懷人首重搔  
吳楚相望一千里月明歸路不知遙

文森

字宗嚴  
洪次子

王將軍樓船歌

江南古來傳綺語江南畫船如屋裏  
將軍總衛在江北百乘高車馬千里  
五牙富貴地非宜雲海竹窩出新理  
揚川駮賊十丈蓮飛艣擘空如迸矢  
兩頭簫鼓沸中流兩旂行人看如市  
中間紗幕開暑風左邊設圖右邊史  
將軍受用通南北坐泛西湖與杭比  
還須一笑擅風流千古之中追郭李

登金山酌中冷泉

中冷之泉甲天下今度來遊當盛夏山僧知我有泉癖忙汲深清緩傾瀉煎茶有法在吾手但恐世人知或寡酒餘一吸除百疴從此人間賤杯斝更呼陸羽同叅玄凌風便欲飛上天下視江水空雲煙

沈啓南畫漁舟晚釣圖爲毛貞夫同年題

新豐酒波堪濯足塵土紅污酒波綠粗豪飲客下馬來三統五籌行促促何如金著春江船蒲

葦紫立柳黃眠船頭釣得縮項鱖賣之儘可供酒錢夕陽射眼拉柁轉江光貼天孤鳥遠

憶西湖次韻

我昔西湖弄煙水日日湖邊常早起携朋最喜當暑徂得句每誇從醉裏昂頭舉律見高峰舟行那計西與東荷花錦鋪香十里琳宮寶刹如迎逢望中更愛西天竺千仞插空青削玉萬家鱗次俱傍湖箇箇長松齊出屋別來屈指十五秋夢中往往時一遊蘇堤春色六橋酒繁華自

昔同蘇州山水娛人人盡好如此西湖豈難到  
塵氛羈我嗟白首江雲望斷空倚樓

送同年白鳳儀歸省

曲江初讌罷羨子采蘭歸驛路沾青纜江花落  
綵衣閒居潘博士休沐謝玄暉他日徵才子相  
期入鎖闈

見月

今宵初見月最喜獨分圓宿鳥從驚起浮雲莫  
遣生疎篁翻砌影寒雁落溪聲脉脉西堂下懷

人百感生

九日登高

三載重陽菊開時不在家喜逢今日酒對此故  
園花野曠雲連樹天寒雁聚沙登臨無限意何  
處望京華

宿毗陵驛

孤舟城下宿城漏滴寒更往事無人問幽懷忽  
自驚春星垂野動村火隔江明北雁無來耗蓬  
窗夢不成

經張雨隱居

白日生煙霧青山隱瀑泉高名垂廣宇僊迹在  
遺編洞古疑無路花深別有天衡門下雞犬人  
去不知年

登樓

闌闌擾擾晚來閒獨倚危樓一望間挈榼漫沽  
村市酒開窗正對夕陽山月來虛館誰家笛風  
度踈鐘到竹關只有漁翁無簡束扁舟搖曳白  
雲灣

書館坐雨

虛館坐來旬日雨紙窗深掩未嘗開已知甲子  
全無准却怪燈花不易猜帶濕懶拖牀下履破  
愁頻弄掌中杯明朝雨歇春還在擬向西山詠  
落梅

宿靈源寺

家城歲晚欲迴舟山寺携衾作夜遊愛月不妨  
寒步影听冠微覺露濡頭蒲團對語僧圍燭菊  
宴分題客詠秋怪是思清還廢寢鐘聲爲破小

堂幽

徵明姪薦授翰林兼修國史喜而賦詩  
紅燭高燒夜着花阿咸聞薦入京華銀魚佩更  
通仙籍紫閣趨時草制麻太史名傳司馬氏東  
山屐倒謝玄家書來深慰家庭慶奕世恩光未  
有涯

送人還南康

清波左蠡分秀色東林接日射金芙蓉香爐晚  
明滅

題畫

石上收綸坐垂楊拂髮絲閒情與幽思不復許  
人知

春日山行

勝事春來日日忙梅花纔褪杏花香莫愁此後  
芳菲少又報東風到海棠

客夜聞蟲

露洗秋庭月滿天草根吟苦斷還連在家猶自  
難禁汝客舍長宵况獨眠

乞歸

江上鱸魚秋正肥  
季鷹安得不思歸  
自憐青鬢朝來改  
多病還應早拂衣

京師留別

宦遊無緒厭塵氛  
夜夜家山夢白雲  
來日潞河理歸棹  
月明知我倍思君

遊西山歸泛石湖

春聲病起到山家  
落盡山中桃李花  
十日徧遊那得盡  
村村塢塢焙山茶

卧病

閒居抱病怯微寒  
匣裏陰符耻更看  
中酒畏風眠不起  
烏啼花落又春殘

文氏家藏集畧

涑水公洪字公大成  
化乙酉舉孝廉署直隸涑水縣教諭  
公爲人篤行勤學世稱醇儒雅好吟詠  
不事副墨興至成篇輒復散去所藏括囊稿蓋十之一二云  
温州公林字宗儒涑水公之長子也  
成化壬辰進士博洽典籍有經濟才宰

永嘉博平二邑有聲行取至京先是東省鎮守  
巨璫廉得博平產梨大如瓶重一觔以上歛取  
充貢公恐害民令一夕伐去之璫怒行間欲危  
公幾不免乃稍遷南京太僕寺丞移疾家居久  
之起爲溫州太守卒于官 中丞公森字宗嚴  
涑水公次子成化丁未進士授直隸慶雲縣知  
縣賑飢開河俱有惠政擢監察御史會冢宰缺  
有寅緣求進者公疏斥之且舉劉大夏周經可  
用下詔獄 上答其無他特答而不問後因逆  
瑾擅權致仕再起陞南京太僕寺少卿考滿陞  
都察院僉都御史有疾乞休卒于家公爲詩往  
往口占不啻箚故所存僅百餘首

石倉十二代詩選

明次集卷五十一 終

歷代詩選

明文宗嚴

次集卷五十一

三

三



國家圖書館, NATIONAL CENTRAL LIBRARY, TAIWAN, R.O.C.



歷代詩選  
明文宗廟

三



石倉十二代詩選

明次集卷五十二

匏菴集

大明

長洲吳寬著

後學曹學佺閱

寄題陽山澄照寺

令威稟仙骨化鶴去遼東傳聞有遺井乃在青  
山中山深草木盛苔徑誰能窮爰有釋氏子於  
此構蓮宮殿閣頗雄傑林杪見青紅高厓石色  
古小洞雲氣通神龍室其地上下雨兼風歲時  
郡長吏祈禱頻年豐我昔過東麓落日明丹楓

所恨足力弱徒然望巖嵒何時躡其巔歷覽無  
怱怱回頭發浩嘆深愧南飛鴻

初夏雨霽

好雨夜來過朝陽散新晴朝回一解帶偃仰向  
南榮焚香遣塵慮讀書怡道情屋角槐初綠時  
聞好鳥鳴誰知城市裏心境有餘清

再遊城南

登高始經旬野景宛非昨園空秋葉深山淨寒  
雲薄清尊喜共持破帽拚重落日暮淡忘歸黃

花翳孤壑

分題百步洪送顧工部

長河勢屈曲學海遙之東瞬息瀉千里滔滔若  
無窮忽然經彭城怒發何其雄千艘相上下往  
往驚篙工昔聞入蜀險殆與三峽同行人舉足  
計聊躡百步洪此地山根繞微禹安能通鑿石  
尚磊磊急流爲磨礪噴射聲愈振石腹疑中空  
美哉河渠使慮殫力彌攻水利歸上國期成疏  
濟功月夜披羽衣清嘯黃樓中下視瓠子河枉

築宣陽宮

秋日曝書偶閱韋蘇州集

白日落未盡竹陰滿前除  
脩然暑氣退高簷當  
雨餘新松無悴色萱花亦已舒  
偶觀草木性中  
懷一欣如脫帽被麤葛庭際方收書  
愛此韋郎  
句把誦意踟躕焚香更掃地  
適喜中堂虛累月  
猶在告深慚此閒居

分題圯橋送張公實

行經下邳城試訪留侯事遺蹟  
今何存臨流漫

相指侯也本韓人天其畀劉氏奮擊沙中鏗俯  
取圯下履舉足直受之匍匐更前跪欲爲帝者  
師寧被老人使嗟當嬴政時虐燄到經史兵書  
尤所禁搜索徧焚毀一編出袖中依然先秦字  
乃知老人愚遠勝始皇智避世能全身同時類  
黃綺維古多斯人過客勿疑此行見滄海君終  
從赤松子

丙午郊祀齋居夜雨獨坐

時予以服不陪祀

春城閉重門夜館耿孤燭默坐方悄如柝聲遞

相續擁衾未成眠伴我只僮僕微雨恣飄揚寒  
花結翠玉員丘歲有事大駕朝出宿明當還法  
宮天意亦可卜清道少浮塵龍車爲膏輓郊南  
只尺地宿麥芽已綠願言同發榮 皇恩被陰  
谷

喜雨

北方苦春旱入夏雨亦微俄然見簷溜及午正  
霏霏散步荒園中不覺沾我衣草木總欣悅膏  
沐滋容輝昨者宿齋戒徧走神祠祈禮官朝入

奏獨與 皇心違謂此在朕躬聿當幹玄機宸  
衷之所至端能動天威今年定有望吾民應免  
飢

聞故園山茶爲人所折

山花昔年植正在竹亭西雨露頻長養豈同蒿  
與藜廿年始還家見此枝猶低隔歲綴芳葢花  
開剪成緹亭今已撤去亂石甃爲隄復此與花  
別夢寐不能迷頗聞此樹下春來踏成蹊衡門  
不常關頑童皆有攜如何忍攀折狼籍滿春泥

遂令鳥雀至月夜無枝栖淵明問來使草木入  
詩題安得人愛惜高與南簷齊

負暄

朝坐見日升夕坐見日落午坐日更多煖氣如  
火灼陋居類田家不省在城郭高樹凡數株黃  
葉被霜搏何曾遮陽烏更復聚寒雀傍不啓窗  
扉前不垂帳幕炙背真可獻此語非善謔昌黎  
却避景遷坐身屢作我幸無此勞竟日不展脚  
自我有此居綿裘不重着冬日何可愛可愛更

可樂

望嶧山

魯郊空且曠目力安能窮條見千仞青橫截乎  
其東羣山相後先蹲踞猶兒童尼丘亦遠避何  
曾數龜蒙嘗讀禹貢書其陽產孤桐剪伐成何  
用茅茨舜爲宮諒惟製琴瑟搏拊歸良工因之  
懷古人仰睇雲霄中

入孔林

兩楹旣夢奠黯矣斯文光巍巍魯城北冠屨於

焉藏墓木不可辨合抱千萬章知爲門弟子移  
植來四方惟昔治任日相向哭且傷孰知千載  
下儒者猶心喪愚生復何幸瞻拜俄其旁我去  
有周末藹然覲溫良如陪游與夏執贄同升堂  
惓惓東引領夙願今始償嶧山千仞高泗水百  
里長何必四尺封天壤俱存亡

雨後答邵文敬

急雨過荒園似向城西去豐草覆清池涼風起  
高樹中懷適欣欣入手得佳句累日苦炎蒸脩

然在何處

重九無菊

佳節喜載臨藉有杯中淥如何籬落間獨少數  
枝菊遙遙小南城異品應滿目野人不好事移  
送何不速無酒人但醒無菊人尤俗我與陶淵  
明事事相反覆俗病惟自知客醉解留宿淵明  
祇欲眠往往客遭逐黃花有時衰一賞已自  
歲宴色青青墻陰自修竹

夜坐

歷代詩選 明史原博 卷之六  
伐磬一何促擊柝一何遲夜景坐來寂流螢自  
參差片月不常照浮雲相蔽虧葛襟滿涼氣伏  
暑無炎曦坐來欲歛席微雨猶絲絲良夜豈不  
愛耿耿如有思出處有道在行止非人爲惟應  
乞身後終年守茅茨

爲盛舜臣題山水長卷

城西蕩雙槩遙背伍胥門人家枕河任漸喜歷  
鄉村豁然見平田農夫荷鋤去好風吹嫩苗微  
雨灑高樹葦間多放艇柳下或扳罾錦布菱荷

蕩沙明鷗鷺汀魚梁接牛宮沽酒新郭市迤邐  
到橫塘虹橋垂四趾亂山似遮路旋轉自長溪  
水入太湖北雲生光福西扣舷唱吳歌有客中  
流過千載懷古心悠然欲相和香徑旣云沒琴  
臺亦成空山頭明月上仍照館娃宮登高信徒  
勞望遠發深喟閒展圖畫看舊遊一何類

董北苑溪山風雨圖

黑雲擁高山頂刻風雨至豁然海潮聲草木爭  
偃地曠野少人行山僧獨歸寺衲衣盡沾濕敲

戶何急事倉皇村居民乘屋亦何亟一婢已抱  
甕一婦更持器重茅惜被卷破尾家所寄戴笠  
者漁郎理網屈雙臂老翁若望家擔物終不棄  
陸走尚甚危水行可無畏前溪波浪惡篙折水  
流駛行者當早歸居者不預備良工爲此圖三  
嘆有深意想見晚來晴雲淨山潑翠始信娶時  
間天工特相戲

爲楊應寧題夏太卿墨竹

舍人好畫誰與儔子美詩中之劉侯鳳池退食

多清暇每抱縑楮從人求昨者開筵宴賓客四  
壁彷彿橫滄洲酒酣指點到修竹數竿倒拂湘  
江秋清風脩脩刷翠羽孤鳳欲下中堂游乃知  
夏卿妙筆墨奇態縱橫纒頃刻欻然令我走避  
之仰面分明墮崖石紛紛真贗不可知我意是  
竹皆堪詩試看北地苦難得此種數尺青垂垂  
舍人好畫兼好奇明日南行過九疑扁舟夜靜  
月初出想對楚人歌竹枝

題周仲瞻藏綵花鳥



越女染絲成五色隔窗未學秦川織鮫人水底  
夜不眠乞與冰綃纔數尺洛陽名花舊譜傳品  
第已無天下敵妙手能收後素功畫苑羣工空  
嘆息珍禽入貢從嶺南長羽淨掃花間石金刀  
莫遣斷其尾高格豈是雄雞匹顧影峩峩見冠  
幘日午畏寒交錦翼姚黃魏紫雜鞞紅頓覺春  
風價增自古來觀象聞虞皇絺繡分明有六章  
女紅相習來亦久一日燦爛懸高堂周卿得此  
朱雀航施朱傳粉皆尋常寸心欲效仲山甫獻  
入明光補袞裳

修竹仕女圖

曾讀杜甫佳人篇佳人今向畫圖傳練裙縞袂  
春風裏不減花神并水仙牽蘿補屋居空谷日  
暮依然倚修竹只隔西隣尺短墻楊花榆莢紛  
相逐

送蔣蒲州

郎吏紛紛填仕途初試幾人爲大夫如君本是  
青雲器有身豈合居江湖山右大州稱古蒲手

中新分太守符昨聞州人告荒歉衆口待子歎  
且舖進士中人不流俗設施宵作科名辱黍稌  
豐登雞犬寧聊以茲行遂民欲宣武街頭車已  
裝乘此十日秋風涼青天眷宇太行秀平野襟  
帶黃河長州中父老出郊迓來日太守登公堂  
揚太真剖瓜圖

深宮六月涼風至紈扇團圓奪秋氣却恨君王  
賜浴遲華清水熱通宵沸金刀手弄雲鬟低楊  
柳樓頭日已西莫誇碧梳紅瓢美玉齒病來憎

瓠犀

爲徐仲山題虎丘觀泉圖

徐子昔年官水部匹馬蕭蕭歷齊魯運河水滿  
萬艘通汶泗交流無壅土歸來泉志手親編好  
與河渠書竝傳不識當時陸鴻漸齒牙空味虎  
丘泉

園中晚步戲作

晚涼散步清陰下一樹古槐當廣廈畦間雨過  
井水渾墻上煙凝日光赭病來一月不朝參名

姓在朝身在野要知未許吾獨閒舍有閒僮廐  
閒馬城中塵霧漲天高披襟誰是同游者果然  
此日是匏翁昨種苦瓜今可把

爲寧縣令蕭光甫題墨梅

老幹彎碕新幹直總是昆吾鑛鍊色枝頭忽被  
北風吹併出踈花成戲劇薄如蟬翼細蝶鬚敢  
與臘雪偏相敵雪也無香復易消阻山背水俱  
無策花神冷笑不言功月下條條倚蒼壁狂游  
不到綺陌間小隱時當野橋側平生高韻有誰

知此種奇姿何處得補之已逝叔雅亡人間久  
矣無清蹟詩人未補白華詩畫家重倒金壺墨  
悠悠此意我所諳欲向蕭侯聊比德試看寧縣  
九年官篋裏只餘花的的士林傳玩等甘棠黃  
鶴樓中莫吹笛

戊申燕九日

正月十九爲元長春丘真  
人生辰京師人爲會甚盛

京師勝日稱燕九少年盡向城西走白雲觀前  
作大會射箭擊毬人馬吼古祠北與學宮依簫  
鼓不來牲醴稀如何義士文履善不及道人丘

歷代詩選  
明吳原傳  
二  
二首  
處機

中秋夜登仲山新樓賞月

天街東來喜橫亘夜靜無塵斷車乘青天故遣  
月娛人特爲中秋月轉瑩昔人徒訝一分虧此  
物始知千里徑團團餅餌家家如矮屋仰觀殊  
不稱望裏撐空木最高上施平板還加釘已好  
樓居仍好客主人引我凌飛磴解衣褫帶重留  
延案上珍腴已先釘湏臾衆客報齊來一笑頓  
忘腰折磬庾公故事擬重修亦復平生無淺興

少焉月轉簷楹間起傍朱闌時一凭俯觀南苑  
白茫茫素練平鋪目難瞑中山地近兔毫分巨  
海波浮蚌胎孕舉瓢便可酌河水着展那能絕  
泥濘椽筆誰將華榜題茲樓只合名超勝置身  
如在太湖心萬斛龍驤初下矧端愁波浪欲掀  
翻爲語諸公宜坐定羣童獻技舞且歌鳳腹空  
空四絃絙我方沾醉陶陶然新調疑從夢中聽  
夜深風露忽淒涼高處不勝寒起脛主人歡飲  
意何濃美酒如泉瓶未罄底須隔屋問西隣走

送茶瓜勞僕媵明年未審在誰家鄉社佳期當  
預訂言方脫口客已聞吐酒闕然爭出應我家  
海月舊傳名菴外清光長有賸王敵隔巷每共  
之今者安知非我贈戲言若大却非誇薄意頗  
誠真不佞小園雖說乏樓居早向幽亭設長凳  
杜老還教徑掃花范家莫道塵生甌諸公倘許  
過高軒就煩執此詩爲証

謝安遊東山圖

東山高臥如龍蟠天下蒼生望謝安徵書再下

翻然起五十不妨初作官征西將軍姓桓者致  
我胡爲居幕下新亭狎視猶小兒流汗何人面  
如赭北兵百萬次淮淝別墅與客方圍棋捷書  
已至未終局江上阿玄班捷師高懷磊落多長  
技誰識向來遊戲事後世風流強慕之登山也  
復攜歌妓

春溪聚禽圖

春溪遠發春山中一夜好雨溪流通綠波泛漲  
渺無際但見桃花千樹紅鴛鴦灘瀨鴈何容與散

亂中流錦爲羽倉庚獨似避游人去踏花枝落  
紅雨草深哺子芳洲晴葉暗仍聞求友聲展圖  
便有會心處放棹欲作春溪行玄裳縞衣彼何  
者爲戀高松倚平野莫論鴻鵠志安知名字俱  
標在埤雅

早起

喔喔雞三唱城居數遠村髮隨秋葉落日與曉  
燈昏對案仍呼飯披衣又出門自憐衰朽質終  
歲謁天關

送盛術還吳江

一舸東南去望望故里門夕陽煙市影秋水雪  
灘痕製藥當書案彈琴罷酒尊相過官舍裏應  
是史西村

壽席道士

白頭一羽客何處曾相逢月下老翁井雲間玉  
女峰踰躔還似鶴變化真猶龍試問渠年紀山  
中有古松

送仲山後坐通法寺西軒

歷代詩選 卷之八  
歇馬東城下，緣堤踏淺沙。長因送客日，屢得到僧家。灌木陰三畝，奔泉響萬車。晚來簷溜斷，天際散紅霞。

次韻時暘對雨喜晴二首

颯颯復霏霏，清晨坐掩扉。短籬垂豆角，破壁上苔衣。潤覺琴聲緩，涼驚酒力微。客棧詩句滿，未許沈郎肥。

斷虹連返照，向晚喜新晴。遠市浮埃盡，長溝積水清。歌謠童子事，刈穫野人情。身在幽燕地，無

勞賦北征

送林朝信還廣西分韻得歲字

玉河凍不流，曉結冰花細。客館傍東堤，三旬喜留滯。捧表被光華，開筵接親契。抵任尚遲遲，吳門度新歲。

喜儲靜夫考功自南京至

與子三年別，長存耿耿思。偶來今日雨，又屬暮春時。風度看逾好，功名喜未遲。吏曹能自署，應不數光羲。

晚至湖上

到湖疑路盡忽復轉林塘雨後添泉脉雲中漏  
日光新蒲仍自綠怪柳不成行欲唱吳歌去憑  
誰覓野航

次韻賓之重九值雨獨至

懷麓堂前樹蕭蕭感暮秋閉門逢節序落帽想  
風流空負此時酒閒登何處樓不須論雨讖四  
野少禾頭

次韻濟之招仲山酌別

偶值三旬隙堪償千載忙有官原是夏此日豈  
無陽重過煙花市長驅翰墨場不緣持玉節安  
得解銅章未去須常會將來孰可量試看王子  
宅或比鄭公鄉飲處誰招得行機已坐忘園蔬  
從懶摘山果更高裝弄月當花檻臨風泛羽觴  
幽篁如客瘦獨鶴擬人長使者新恩渥儒生故  
態狂陽關莫先唱西出陽關路微茫

謁韓蘄王墓

家國何多難推尋爲蔡童羸秦方逐北周室竟



遷東江左朝廷在淮南驛騎通天終憐宋土時  
則有韓公一劔橫天外諸酋在目中南雲當箭  
鏃黃蓋走豚臙伐越期成霸于潛恥會戎蕭壘  
狼跋盡野穴鼠羣空聚米籌三鎮開門待兩宮  
齊王真濟美鄂國與爭雉有詔從中制惟詩詠  
內訶閒游嗟我獨和議約誰同殤葬長弓勁題  
銘片石穹龜趺呈細刻龍額表孤忠草樹樵蘇  
斷粢盛享祀豐神靈懸皎日生氣亘長虹異代  
今全盛應追保障功

送同年簡齋道歸省

春半相逢在禮闈題詩忽復送君歸盧前名姓  
慙楊炯洛下文章見陸機曉日攀龍恩共沐秋  
風躍馬去如飛新年草色知人意應向階前映  
綵衣

壬寅正旦侍班

爐煙如霧藹彤墀半啓金門複道時只尺星辰  
華蓋轉中央日月袞衣垂普天鳳曆開寅歲平  
旦雞人報卯時御座不勝袍笏近侍臣偏識

漢朝儀

送郭翔鵬進士知福寧州兼寄州倅馬庭簡

閩海遙遙獨置州忽看秋水動扁舟暫爲魏闕  
三年別定向吳門十日留甲榜尚稱新進士雙  
旌已作古諸侯公餘獨恨詩筒少爲謝同官馬  
少游

送劉職方時雍赴福建參政

早振詞林五色翰廿年郎署忽彈冠較書劉向  
成新序判事姚崇起夏官楚客不驚湖海濶閩  
山能阻雪霜寒他時召伯甘棠樹只是南風荔  
子丹

冬至謁陵出土城

馬上衝寒出北門豁然平曠識乾坤地連周圍  
民猶小天作燕山勢獨尊看月未忘黃土寺披  
煙仍見白浮村百官令節長來此邊豆如流習  
駿奔

渡沙河

橋下流澌玉一灣十年重此照衰顏  
疎林小店行厨設落日平原  
獵騎還韋杜南連多白草居  
庸北界盡蒼山天寒喜報王師轉  
驛路無塵羽檄閒

望昌平

脫轡平凌千丈岡披裘人耐北風涼  
迢迢古轍餘秋潦漠漠平疇已早霜  
日隱峰巒天易暝樹連城郭路何長  
孤雲飛處梁公廟猶似當時望太行

作鶴房

枯篁密葦作房櫳故遣仙禽宿此中  
曾見江南多鴨舍亦知吳下賸牛宮  
綢繆牖戶朝南日倚傍垣墉避北風  
莫笑乘軒如衛懿苦寒湏念雪園空

送劉世燠赴四川僉事管水利

行行萬里去分司直到西川欲盡時  
肯使江流歸灑灑還看山月照峨嵋  
外臺總自刑曹出上馬親將御勅持  
千古李冰功不廢離堆刊木

歷代詩選  
建生祠

宿呂城

連朝離抱不能平又記南來宿呂城  
酒散長亭驚雨至棹依高岸識潮生  
麥秋未到猶三月瓜步將臨只一程  
賴有故人同夜坐白頭相對燭花明

題青州先賢祠

汴宋人才軼古先東方作郡總名賢  
朝廷擇相多從此州縣勞人豈信然  
隱隱故疆分海岱堂堂

堂遺像照山川至今新廟煩虛位  
莫道前修美獨專

追送張尚質戶部兼懷沈仲律王客

秋風騎馬向南行送別深慚句不成  
顧我只如前日懶思君應比後湖清  
朝回曉月當瓊島夢逐春潮到石城  
遙想齋居無俗客相過多見沈雲卿

上元夜戴中書宅賞燈

南客相逢惜此宵燈詞酒令破寥寥  
莫教隱几

生春夢就可聯鑣去早朝日色漸臨青瑣闥風  
光多在玉河橋休文不赴斯文約應是嗔人折  
簡招

送姜用貞赴南京刑部因懷項文祥

南去分司畫省郎行行因得奉高堂已如毛義  
爲人子早向宗元識吏商春草訟庭稀獄案碧  
山宮舍有書牀項斯別後年華改爲謝無詩遠  
寄將

與諸友東郭草亭看牡丹二首

曾走平章宅裏花賞時還在故侯家帝鄉況有  
此亭古人世但知今日嘉吟興待生滄海月醉  
顏驚見赤城霞風流前輩凋零盡欲覓遺蹤事  
已賒

背郭林亭風物幽綠陰時節更須遊獨憐芳草  
容人臥多謝名花爲客留錦水築堂從杜老漆  
園成器想樊侯暮春未許山陰占今日燕南襖  
事修

與蔣宗誼城東觀泉因憶舊談越中五洩

歷代詩選

月琴原專

次集卷五十二

七

之勝

秋早俄驚急雪流，夜來高岬雨初收。同行賴有三山客，試問何如五洩游。歇馬旋成燕市飲，扣舷遙想越人謳。玉泉山路涼風爽，還約尋源向上頭。

謝馮佩之次韻送鹽筍

桃竹初疑一束開，齒牙還辨越船來。囊盛藤子新題帖，飯煮芹苴漫作堆。興逐先春風味勝，功收斥鹵雪花嵬。任渠老硬相評品，未許伶倫當

管裁

夜坐懷齋居諸公次前韻

布衾寒擁對牀屏，鵲遶南枝月過庭。瞑目誰除童子障，齋心自比太常醒。花時漸好仍籠霧，燈節相催屢問星。便有玉堂天上意，銅鑪當案冷煙青。

游朝天宮

撲衣塵霧入門消，修竹竒松步履遙。紫府新開延日月，碧臺高築倚雲霄。城頭瑞鶴招還下海

上枯槎坐欲漂爲憶仙家爛柯樹手磨石刻是  
前朝

送僧永岡歸吳住白馬寺

石縫梅泉一縷清早年依此學無生紫藤垂塢  
人間步白馬馱經寺得名法席坐揮麈拂短官  
河去上木杯輕山中試茗何時好擬借禪房折  
印端

花

細蕊紛紛頃刻開環觀火候亦奇哉春回玉管

微微動風定金沙颯颯來桂子忽從天上落蓮  
花誰向水中栽夜庭一霎聊供笑坐客休將見  
跋猜

答雪屋上人

艤舟山足扣禪機記得雲林啓半扉靜夜香爐  
渾不冷深秋書札未應稀雪中老屋懷簷葡萄湖  
上長鑱負蕨薇須信大顛詩律細世人休更笑  
畱衣

送賀澤民赴河南僉事